



東京大学総合図書館所蔵



C40-4514

丁翁上座百歲以後
家書置之於紫雲山
我微笑塔院府中永
為學者不遺許出院內
當山二世鐵牛機謹誌



B 64853

妙法蓮華經台宗會義卷一之一

有序

古吳後學滿益智旭述

或問滿益子曰。吾聞講法華者。莫善於台宗。是故智者大師妙悟之後。以不思議四無礙辯宣玄義。文句二書。章安尊者記爲各二十卷。不異阿難結集。迨荆溪尊者。又以釋籤轉翼玄義文句記轉翼文句。於是教觀大明稱爲中興烈祖。依之修證。得道如林。雖有聖人復起。不能復贅一辭矣。曩曾見子綸貫跋云。譬如崔灝黃鸝詩。足使李白閣筆。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

第十九函 繢

予亦服膺此語。今乃無故復事管城。何哉。萬益子曰。噫。此予萬不得已之苦心也。方予寓溫陵。述綸貫也。蓋欲誘天下之學人。無不究心於三大部也。今屈指十餘年矣。舌敝耳聾。曾不能勸得兩人。三人正事教觀。輒以浩繁而興望洋之歎。倘不稍事節略。則玄籤妙樂諸圓頓法。甘使其終置高閣乎。曰。若是。則但節錄文句及文句記。例如妙玄節要可耳。何以更科易文。竄入已意。直名爲會義耶。曰。是尤不得已也。古者經疏各行。故疏于經義之奧。

者。則發揮不厭。渙詳而於經文之顯者。則分科點示而已。後人強欲以疏合經。遂使經文句讀割裂。今欲隨文演義。而仍不傷經文血脉。科安得不稍更乎。智者大師。辯才敷演。章安於大師示寂之後。方數阿難結集。雖全合大師之義。未必一向皆是大師之文。故筆力古朴。不事雕巧。惟久讀方知其妙。初心之士。對卷茫然。文安得不稍易乎。荆溪尊者。精金百煉。文義俱渙。然亦微有六朝風氣。稍拂時機。至其闡洩太師言外之意。並非循行數墨者。

之所能知。不幾亦爲竄入已意乎。夫法華經藏。漢固幽遠。智者大師能契其源。豈復盡宣其委。章安尊者能記其概。豈復盡錄其詳。卽荆溪尊者能闡其要。亦豈復盡析其曲折哉。茲以凡愚千慮一得。用逗時宜。安得畏背古之譏。而不竭寸明。用附竊取其義之科也耶。然則知我者其惟會義罪我者。其惟會義也已。己丑仲冬五日下筆故序。

將釋此經。大文爲二。初題目。二入文。題目有二。初經題。二品題。經題具如玄義釋籤。略如妙玄。

節要。茲不復說。令先釋品題。然後入文。

品題共二十八。今先釋序品。餘品到文方釋。

序品第一

序者。訓序序。謂階位賓主問答悉序也。又次由述三義。如是等五事冠於經首次序也。放光六瑞起發之端。由序也。問答釋疑。正說弄引。敘述也。具此三義。故稱爲序。品者。梵云跋渠。此翻爲品。義類同者聚在一段。故名品也。或佛自唱品。如梵網心地。或結集所置。如大論所述。大品般若本。唯三品。

一序。二魔。三囉什。四譯人添足。如羅什譯摩訶般若成九

十品。今藥王本事是佛唱。妙音觀音等是結集家。梵文中諸品先足並非譯人所添。諸品之始故言

第一。

入文爲三。初通敘述本兩門。二別說述本兩門。三流通述本兩門。釋此爲四。一因緣。二約教。三本迹。四觀心。始從如是終于而去。皆以四意消文。而今略書或三二一。貴在得意耳。所以用四釋者。廣則令智退。略則意不周。我今處中說。令

義易明了。因緣亦名感應。衆生無機雖近不見。慈善根力遠而自通。感應道交。故用因緣釋也。夫衆生求脫。此機衆矣。聖人起應。應亦衆矣。此義更廣。處中在何。然大經云。慈善根力有無量門。略則神通。神通即是應之異名。對感卽名感應。設應雖衆。不過于慈。求脫雖多。詎出於感。故感應二字處中明矣。夫十方機感。曠若虛空。教法彌廣。何名處中。今論娑婆國土。音聲佛事。則甘露門開。依聲教釋。並以金口爲本。不少不多。

中說明矣。夫應機設教。教有權實淺深不同。將本望迹。機多教異。其迹必廣。何名處中。今置指存月。亡迹尋本。迹多雖廣。論本唯一。處中明矣。夫尋迹。迹廣徒自疲勞。尋本本高高不可極。如數他寶。自無半錢。但觀已心之高廣。扣無窮之聖應。機成致感。逮得已利。故用觀心釋也。證因緣者。方便品云。十方諸佛爲一大事。因緣故出現於世。證約敎者。方便品云。以種種法門宣示於佛道。大經云。粗言及輒語皆歸第一義。證本

迹者。壽量品云。今天人阿修羅皆謂我少出家去伽耶城不遠得三菩提。然我實成佛已來。無量無邊阿僧祇劫。以斯方便導利衆生。五百受記品云。內秘菩薩行。外現是聲聞。實自淨佛土示衆有三毒。又現邪見相。我弟子如是方便度衆生。此則師弟皆明本迹。證觀心者。譬喻品云。若人信汝所說。即爲見我。亦見於汝。及此丘僧并諸菩薩。當知隨有所聞。諦心觀察。於信心中。得見三寶。聞說是法寶。見我是佛寶。見汝等是

僧寶也。今且約三段示因緣相。衆生久遠蒙佛善巧。令種佛道因緣。中間相值。更以異方便助顯第一義而成熟之。今日雨華動地。以如來滅度而滅度之。復次久遠爲種。過去爲熟。近世爲脫。地湧等是也。復次中間爲種。四味爲熟。王城爲脫。今之開示悟入者是也。復次今世爲種。次世爲熟。後世爲脫。未來得度者是也。取意而說。其間節節作三世九世爲種。爲熟。爲脫。以如是等因緣故。有序分也。衆見希有瑞。顚頽欽渴。欲

聞具足道。佛乘機設化。顯示悟入佛之知見。故有正說分也。非但當時獲大利益。後五百歲遠沾妙道。故有流通分也。次約三段示約教相。此序非爲人天清升作序。非爲二乘小道作序。不爲卽空通三作序。不爲獨菩薩法作序。乃爲正直捨方便。但說無上佛道作序耳。此正不指世間爲正。不指螢光析智爲正。不指燈炬體法智爲正。不指星月道種智爲正。乃指日光一切種智爲正也。此流通非爲楊葉木牛木馬而作流

通。非流通半字。非流通共字。非流通別字。純是流通圓滿修多羅滿字法也。次約三段示本迹者。久遠行菩薩道時宣揚先佛法華經亦有三分上中下語亦有本迹。但佛佛相望是則無窮。今別取釋迦最初成佛時所說法華三分上中下語專名爲上。名之爲本。何以故。最初成佛初說法故。中間行化助大通智勝然燈等佛宣揚法華三分者。但名爲中。但名爲迹。何以故。前有上故。前有本故。今日王城所說三分。但名爲下。

但名爲迹。乃至未來永永所說三分亦指最初爲上爲本。譬如大樹雖有千枝萬葉。論其根本同宗一根。不得傳傳相指也。次約三段示觀心相者。當約已心論。戒定慧爲三分。修行則戒初定中慧後。若法門則慧爲本。定戒爲迹。又戒定慧各各作三分。戒三分者初前方便中白羯磨後結竟定三分者初二五緣中正觀後歷緣。又善入出住爲定三分。慧三分者空序中正假爲流通。已約三分示四種相。當用此義始從如

是終訖作禮而去悉作四意消文行者善思量之。蓋若無初因緣釋則尚不殊外計。然因緣語通通於一化。須知今乃大事四悉非餘感應。開顯四悉一道無外。久遠四悉諸經所無。觀心四悉。一觀徧收以此四悉通於始末。約教等三亦須徧述。若無次約教釋不辨偏小。故以四八簡開廢等。聖昔教部今方真實一切能詮無復異稱。故須明之以彰妙典。若無三本迹釋誰知迥出一期教中所譚身土中間今日無非迹施。指出

彼大通猶如信宿先愚審教復迷迹身至此方祛守株尚昧。若無四觀心釋將何以辨能詮教功。將何以爲久成行本。故一一句入心成觀觀與經合非數他寶方知止觀一部是法華三昧之筌累總斯四義方可略顯一部旨歸當知二三尚略一何能逮故一一句得斯四義則使句善句咸異諸教。

(甲)初通叙述本兩門二初聞法時處二聞持之作。(乙)初聞法時處

如是我聞。一時佛住王舍城耆闍崛山中。

如是者。舉所聞之法體。我聞者能持之人也。一時者。聞持和合非異時也。佛者。時從佛聞也。王城者。山聞持之所也。并下與大比丘等。是聞持之伴。故云五事冠經首也。○因緣釋如是者。三世佛經初皆安如是。諸佛道同不與世諍。世界悉檀也。大論云。舉時方令人生信者爲人悉檀也。又對破外道阿歐二字不如不是。對治悉檀也。阿無歐有一切首以其所計此二爲本外經以二字爲部內所明不出所計

又如是者。信順之辭。信則

所聞之理會。順則師資之道成。卽第一義悉檀也。約教釋者。諸經不同。如是亦異。不應一匙開於衆戶。又佛阿難二文不異爲如。能詮詮所詮爲是。今阿難傳佛何等文。詮何等是。不可以漸文傳頓。是以偏文詮圓是。傳詮若謬。則文不如。文不如則理不是。此義難明。須加詳審。若云佛明俗有文字真無文字。阿難傳佛俗諦文字與佛說不異。故名如。因此俗文會真諦理故名爲是。此則三藏經初明如是也。若云佛明卽色是空。空卽是色。色空空色。

無二無別。空色不異爲如。卽事而真爲是。阿難傳佛文不異爲如能詮卽所詮爲是。此則通教經初明如是也。若云佛明生死是有邊涅槃是無邊出生死有邊入涅槃無邊出涅槃無邊入於中道。阿難傳此出有入無出無入中與佛說不異爲如。從淺至深無非曰是。此則別教經初如是也。若云佛明生死卽涅槃亦卽中道。况復涅槃寧非中道。眞如法界實性實際徧一切處無非佛法。阿難傳此與佛說不異故名爲如。如如不動故名爲是。是則

圓經初如是也。約本迹釋如是者三世十方橫豎皆爾。過去遠遠現在漫漫未來永永皆悉如是。何處是本何處是迹。且約釋尊最初成道經初如是者本也。中間作佛說經今日所說經初如是者皆迹也。又阿難所傳如是者迹也。佛所說如是者本也。又師弟通達如是非始今日亦非中間者本也。而中間而今日者迹也。觀心釋者觀前悉檀教迹等諸如是義悉是因緣生法緣生卽空卽通觀也。因緣卽空卽假者別觀也。二觀爲方便道得入中

道第一義雙照二諦者亦通亦別觀也。上來悉是中道者非通非別觀也。文云。若人信汝所說。卽得見我亦見於汝及比丘僧並諸菩薩。乃觀行之明文也。信則論機。見則是應。卽因緣也。又信有淺深。見有權實種種分別不同。卽約教也。又信法華之文。則見實相之本。若見身子之化。則見龍陀之本。
真諦云。須菩提是東方青龍陀佛。有引大寶積云。舍利弗成佛號金龍陀。未檢。若見始成釋尊。亦見久成先佛。若見千二百比丘八萬菩薩者。亦見其本也。又聞經心信無疑。覺此信心明淨者。亦見其本也。

即是見佛慧數分明。是見身子。諸數分明。是衆比丘慈悲心淨。是見諸菩薩。四番釋如是竟。○因緣釋我聞者。或云聞如是。蓋經本不同。前後互舉耳。大論云。耳根不壞聲在可聞處。作心欲聞。衆緣和合。故言我聞。問應言耳聞。那云我聞答。我是耳王。舉我攝衆緣。此世界釋也。阿難登座稱我聞。大眾皆悲號。適見如來。今稱我聞。又文殊結集先唱題。次稱如是我聞。時衆悲號。二並生戀慕善。此爲人釋也。阿難身與佛相似。短佛僅三指。一指衆疑釋

尊重出。或他方佛來。或阿難成佛。今唱我聞。三疑皆遣。此對治釋也。阿難學人隨俗稱我聞。第一義中無我無聞。古來衆釋同是因緣一義耳。於因緣中前三尚自不周。况第一義。況約教等三耶。次約教者。釋論明凡夫三種稱我。謂我見我慢及世流布名字我。學人無我見。但二種無學並無我慢。但一種。今阿難聞法時是學人。無我見能伏我慢。但隨世名字稱我無咎。此用三藏意釋我也。十住毗婆沙云。四句稱我皆墮邪見。佛正法中無我誰聞。

此用通教意也。大經云。阿難多聞士。知我無我而不二。雙分別我無我。此用別教意也。不二是登地雙照是地前又阿難知我無我而不二。方便爲侍者傳持。如來無礙智慧。以自在音聲傳權傳實。有何不可。此用圓教釋我也。又正法念經明三阿難。阿難陀。此云歡喜持小乘藏。阿難跋陀。此云歡喜賢受持雜藏。阿難姿伽。此云歡喜海持佛藏。阿含經有典藏。阿難持菩薩藏。蓋指一人具四德。傳持四法門。其義自顯。三本迹者。若未會入。可言阿難隨世名我。若

發迹顯本。空王佛所同時發心。方便示爲傳法之人。何所不能。四觀心者。觀因緣所生法。卽空卽假。卽中。卽空者我無我也。卽假者分別我與無我也。卽中者真妙我也。四番釋我竟。次釋聞者。阿難佛得道夜生侍佛僅二十餘年。未侍佛時應是不聞大論云。阿難集法時自云。佛初轉輪我爾時不見。如是展轉聞當知不悉聞也。展轉從他自他別故。聞不聞異。未聞者樂欲已得聞者生喜。卽世界悉也。舊解云。阿難得佛覺三昧力。自能聞。卽爲人

悉報恩經云。阿難求四願。所未聞經頤佛重說。又云。佛口密爲說也。胎經云。佛從金棺出金臂。重爲阿難現入胎之相。諸經皆聞。况餘處說耶。卽對治悉此經云。阿難得記。卽憶本願。持先佛法。皆如今也。卽第一義悉。若約教者。歡喜阿難面如淨滿月。眼若青蓮華。親承佛旨。如仰完器。傳以化人。如瀉異瓶。此傳聞聞法也。歡喜賢住學地。得空無相願。眼耳鼻舌諸根不漏。傳持聞不聞法也。典藏阿難多所含受。如大雲持雨。此傳持不聞聞法也。阿難

海是多聞士。自然能解了。是常與無常。若知如來常不說法。是名菩薩具足多聞。佛法大海水。流入阿難心。此傳持不聞不聞法也。今經是海阿難持不聞不聞之妙法。三本迹者。如上四聞。皆迹引。而本地不可思議。以本事高難量故。本理深難思故。本迹化莫測故。四觀心釋者。觀因緣法。是觀聞聞。觀空是觀聞不聞。觀假是觀不聞聞。觀中是觀不聞不聞。云一念觀者妙觀也。云四番釋我聞竟。○因緣釋一時者。肇師云。法王啓運嘉會之時。

此世界悉也。論云。迦羅是實時。示內弟子時。食時著衣者爲人也。三摩耶是假時。破外道邪見者對治也。若時與道合者第一義也。約教者。若見諦已上無學已下。名下一時。若三人同入第一義。名中一時。若登地已上。名上一時。若初住已上。名上上一時。今經是上上一時也。本迹者。前諸一時。迹也。久遠實得之一時。本也。觀心者。觀心先空次假後中次第觀心也。觀心卽空卽假卽中圓妙觀心也。此之粗妙各有觀與境合。名爲一時。相卽觀者乃

今經觀也。四番釋一時竟。○因緣釋佛者。劫初無病劫盡多病。長壽時樂。短壽時苦。東天下富而壽。西天下多珠寶多牛羊。北天下無我所無臣屬。如此時處不感佛出。八萬歲時乃至百歲時。南天下未見果而修因。故佛出其地。此世界釋也。日若不出。池中未生生已等華翳死無疑。佛若出世。則有刹利婆羅門居士。四天王乃至有頂。此就爲人釋也。三乘根性。感佛出世。餘不能感。善斷有頂種。永度生死流。此就對治說也。佛於法性。無動無出。能

令衆生感見動出。而於如來實無動出。此就第一義說也。次約教者。佛名覺者知者。於道場樹下。三十四心斷正使習氣。知覺世間出世間總相別。相覺世卽苦集覺出世卽道滅。亦能覺他。身長丈六。壽八十。老比丘像。卽三藏佛自覺。覺他。帶比丘像。現尊特身。一念相應。斷餘殘習者。卽通佛自覺。覺他。單現尊特相坐蓮華臺受佛職者。卽別佛自覺。覺他。隱前三相。唯示不可思議如虛空相。卽圓佛自覺。覺他。故像法決疑經云。或見如來丈六之身。

或見小身大身。通或見坐蓮華臺爲千百億釋迦說心地法門。別或見身同虛空徧於法界無有分別。圓即此義也。

科註云。今經正彰開顯。開前三佛。故三十二相。相相無邊。即是尊特。亦即法身。所以龍女讚云。微妙淨法身。具相三十二。三本迹者。一佛爲本。二佛爲迹。此寄本中體用。中間示現。數數唱生唱滅。皆是迹也。唯本地四佛。皆是本也。

迹中俱迹。本中體用俱本。四觀心釋者。觀因緣所生心。先空次假後中。皆偏覺也。觀心卽空。卽假。卽中。是圓覺也。

是智。應以六卽判之。若以一望前三釋。則境智。卽因緣佛也。藏等四觀。卽四義佛也。中望空假。卽本

迹佛也。已心卽是。卽觀心佛也。四番釋佛竟。○因緣釋住者。能住住所住。所住卽忍土王城。能住卽四威儀。住世未滅。此世界也。又住者住十善道。住四禪中。此爲人也。又住者住三昧。卽對治也。又住者住首楞嚴卽第一義也。次約教者。三藏佛。從析門發真。無漏住有餘。無漏別佛。從次第門入。住秘密藏。圓佛。從不次第門入。住秘密藏。前三佛住。能所皆粗。後一佛住。能所皆妙。今經是圓佛住於妙住也。三本迹者。

三藏佛應涅槃。慈悲垂迹。生身住世。通佛誓願。慈悲扶餘。習度衆生。作佛事。別圓佛。皆慈悲熏法性。愍衆生故。垂應法界。當知四佛住本佛住。以慈悲故。住于忍土王城。威儀住世。是名迹住。四觀心者。觀住於境。或住無常境。卽空卽假。卽中等境。以無住法住於境中。故名爲住。無住之言。通于四教。粗智謂住於理實無。若在圓中。便成絕待。四番釋住竟。○因緣釋王舍城耆闍崛山。具如文句。不錄約教者。像法決疑經云。一切大衆所見不同。或見娑羅林地。悉是土砂草木石壁。或

見七寶清淨莊嚴。或見此林是三世諸佛所遊行處。或見此林卽是不可思議諸佛境界。真實法體。例知此義。四見不同。所住既然能住亦爾。本迹者。本住王三昧三德之城迹。居忍土王城。本住三德大涅槃山迹。居靈鷲。又本迹各有靈鷲壽量品云。常在靈鷲山本也。觀心者。王卽心王。舍卽五陰心。王造此舍。若析五陰舍。空空爲涅槃城。卽通教也。若觀五陰舍。因滅是色獲得常色。受想行識。亦

復如是。此之四德常爲諸佛之所遊處。卽別教也。若觀五陰卽法性。法性無色受想行識。一切衆生卽是涅槃不可復滅。畢竟空寂舍。如是涅槃。卽是真如實體。乃圓觀也。又色陰無知。如山識陰。如靈受想行三陰如鷲。觀此靈鷲山無常卽析觀也。觀此靈鷲山卽空體空觀也。觀靈卽智性了因。智慧莊嚴。鷲卽聚集緣因。福德莊嚴。山卽法性。正因不動。三法名秘密藏。自住其中。亦用度人。卽別圓二觀也。云中者。佛好中道。升中天。中日降中國。中處竟。

夜滅。皆表中道。今處山中。說中道也。常好中道。赴中日降爲人也。中夜滅。對治也。說中道。第一義也。諸教皆有中道。但分有體無體之殊。本迹者。觀圓理。本中也。示離斷常。迹中也。今經是開二顯之中。若約觀者。卽空卽中。具二中也。初聞法時處竟。

(乙)二聞持之伴二。初列衆。二總結衆集。(丙)初列

衆三。初聲聞衆。二菩薩衆。三雜衆。諸經多爾。舊云。有事有義。事者逐形迹。親疎聲聞形出俗網。迹近如來。證經爲親。故前列天人形乖服異迹。非侍奉。證經爲疎。故後列菩薩形不檢節迹無

定處既不同俗復異於僧故居中。義者聲聞欣涅槃。天人著生死各有所偏。菩薩不欣不著居中求宗故在兩間。釋論意亦爾。此一解似兩釋事解似因緣。義解似約教。事似因緣須其四悉
義似約教復須論八
事卽身也。故云親疎。義卽諦理。故云涅槃等形
服異故卽世界。親者生善。疎者破惡。不親不疎。

卽第一義於有義中既約三諦以諦對教則四
可識於藏等四辨漸等四其義可知又兩二乘
並欣涅槃及四菩薩並不欣不著故皆居中唯
詣實理兼能利人故居中求宗超彼凡聖若以
入中爲菩薩卽指別本迹解者聲聞內秘外現
中教地上圓教始終

何常保證涅槃。天人皆大薩埵。豈復耽染生死。

皆是迹引二邊而本常中道也。觀心釋者從假入空觀卽偏破生死從空入假觀卽偏破涅槃中道正觀無復前後。亦應更約因緣明觀
諸教開顯及本迹觀

(丁)初聲聞衆二初比丘衆二比丘尼衆

二初多知識二少知識

(戊)初又三初舉類明

數二明位歎德三列名總結

(庚)今初

與大比丘衆萬二千人俱

與大比丘衆是舉其氣類萬二千人是明其大數

也與者共義釋論以七一解共謂一時一處。世一

戒人一心一見對一一道一解脫也。第一義若歷教應

各明七一三藏一七一。

同感佛時同鹿苑處同別興正見同三十七道同有餘涅槃通教二七一

自行化他橫豎皆四門

同爲別教無量七一。

門門悉入者不同

圓教

一若至開三顯一卽得入圓教七一也。大者梵語摩訶此言太亦言多亦言勝器量尊重爲天王等大人所敬故言大。升出九十五種外道之上故言勝。徧知內外經書故言多又數至一萬二千故言

多。今明有大道故有大用故有大知故故言大。勝者道勝用勝知勝故言勝多者道多用多知多故言多道卽性念處大於一切智外道用卽共念處勝於神通外道知卽緣念處多於四韋陀外道也。大卽世界多卽爲人對治勝卽第一義約教釋大多勝者大人所敬等是三藏中釋耳大者大力羅漢所敬也多者徧知生滅卽無生滅法也勝者勝三藏四門也此通教釋也又大者體法大力羅漢所敬也多者恒沙佛法皆知也勝者勝二乘人此別教釋也又大者

諸大菩薩所敬也。多者法界不可量法悉知也。勝者勝諸菩薩也。此圓教釋也。本迹者。此諸大德久爲諸佛之所咨嗟。本得勝幢三昧。超諸外道先已成就種智徧知。迹來輔佛行化。示作愛見中大多勝。欲引乳入酪。又作三藏中大多勝。欲引酪入生酥。示方等中大多勝。欲引生酥入熟酥。示作轉教般若中大多勝。欲引熟酥入醍醐。故作法華中大多勝也。然其本地。大多勝久矣。觀心者。空觀爲大假觀爲多。中觀爲勝。又直就中觀心性廣博。猶若

虛空故名大。雙遮二邊。入寂滅海。故名勝。雙照一
諦。多所含容。一心一切心。故名多也。比丘者。含怖
魔。破惡乞士三義。魔樂生死。此人出家復化餘人。
俱離三界。乖於魔意。魔用力制。翻被五縛。但愁懼
而已。故名怖魔。出家人必破身口七惡。故言破惡。
夫在家三種如法養命。一田。二商。三仕。出家人。佛
不許此。唯乞自濟。身安道存。福利檀越。故名乞士。
三義相成。卽比丘義也。怖魔卽世界。乞士卽爲人
義。初受戒修定修慧。已有破惡怖魔乞士三義。非

獨後心。依經家皆歎後心比丘耳。此皆三藏意。若歷緣求真名乞士破障理之惑名破惡修此行怖四魔卽通教義。若歷三諦求理名乞士除通別惑名破惡怖八魔十魔者。卽別義。若卽生死求實相味名乞士達煩惱卽菩提名破惡魔界卽佛界者。是圓教義。若未發迹。但明前二義。若已顯本。具後意也。本迹者。本登涅槃山頂。與無明癡愛父母結業妻子別出分段變易家。久除五住。何惡不破。獲真法喜如食乳糜。更無所須。持中道道共尸波羅。

密攝衆生戒。魔界降伏。卽佛界如堪任乘御。本地功德久已成就。爲調伏衆生。迹示五味比丘。傳引衆生。例如前釋。觀心者。觀一念心淨若虛空。不爲二邊桎梏所礙。平等大慧無住無著。卽名出家。以中觀自資。活法身慧命。名乞士。觀五住煩惱。卽是菩提名破惡。一切諸邊顛倒。無非中道。卽是怖魔。中觀既然空假及以次不次等對教可見。衆者。梵語僧伽。此翻和合衆一人二人三人。皆不名僧。四人以上乃名爲僧。事和無別衆。法和無別理。佛常與千二百五十人俱。

諸經或多或少不定。釋論明四種僧。不依淨命名破戒僧。不解法律名愚癡僧。五方便名慚愧僧。苦法忍去名真實僧。此中但真實僧也。四念。四善根。名世界也。佛常與爲人也。生物善故。釋論下對治也。簡惡人故。此中下第一義也。在真實故。若依四教者。此僧歷偏圓五味座作同聞人。今正是圓教中證信也。本迹者。本與實相理和。又與法界衆生機緣和。而迹爲半字事理之僧。歷五味中引諸衆生觀心者。初學中觀入相似位。旣未發真慚。第一義天愧諸聖人。卽是有羞僧。觀慧若發。卽真實。

僧。若異此者。卽前兩僧。不依觀行。名破戒僧。不解觀相。名愚癡僧。舉類竟。明數者。卽是一萬二千人也。數異世界也。聞數生善爲人也。破惡入真準例可見。不論約教者。教別數同。故無異釋。若隨數生解。卽是教殊。問。凡諸列衆及得道者。何故其數必全無缺耶。答。大論釋大數五千分中云。若過若干減。皆存大數。本迹者。本是一萬二千菩薩。迹爲萬二千聲聞也。觀心者。觀十二入。一入具十法界。一界又十界。卽百界。一界各十如是。卽千如。一入旣千如十二入。卽萬二千法門也。

皆是阿羅漢諸漏已盡。無復煩惱。逮得已利。盡諸有
結。心得自在。

阿羅漢是明位。諸漏下是歎德也。阿羅漢或翻應
真。或翻真人。或翻無著。不生應供。或言無翻。而舍
三義。一無生義。不受後有故。二殺賊義。斷盡見思
故。三應供義。堪爲福田故。此藏通二教意耳。若別
圓者。非但殺賊亦殺不賊。不賊者。涅槃是。是亦須
破。故是殺賊義。言不賊者。猶從二乘得名。若于圓別。尚名爲賊。是故須殺。不生
於生。亦不生不生。無漏是不生。取無爲證。生子界外。不生是生。故不

令生。非但應供。亦是供應。供彼所應。名爲供應。如佛化爲道人。送供于阿蘭若等。比丘
皆歎別初地圓初住已上德也。本迹者。本得
不受三昧。於二邊無所著。故名不生。斷五住惑。故

名殺賊能福九道饒益衆生。故名應供。方便度衆
生。歷五味傳傳作不生。殺賊應供。皆迹也。又本是
法身迹示已利。本是般若迹示不生。本是解脫迹
示殺賊。本是平等大慧。無破不破。方能示迹。諸教殺賊。本得法身。非應不應。方能示迹。諸教
不生。本證解脫。無賊不賊。方能示迹。諸味
應。方能示迹爲應供耳。觀心者。空觀是般若。假觀
是解脫。中觀是法身。又從假入空觀。亦有三義。乃

至中道觀殺無明賊。不生二邊心。供養此人。如供養世尊。方等經云。供佛及文殊不如施行方等者。一食充軀。此經云。毀讚佛罪福猶輕。毀讚持經者罪福甚重。何以故。佛無食想久離八風。不爲損益。施持經者。全肉身續報命。生法身增慧命。故有益。毀之憂惱退悔。若失好時。則不可救。故大損也。諸漏已盡。無復煩惱兩句。歎殺賊德漏。卽三漏也。達得已利句。歎應供德。三界因果。皆名爲他。智斷功德。皆名已利。已利具足。故成應供。盡諸有結心得。

自在兩句。歎不生德。諸有結二十五有生處。結卽二十五有生因。心自在。則慧必自在。定慧具足。乃俱解脱人也。本迹者。不生不生名大涅槃。煩惱漏。漏其源久竭。不復墮落二乘及凡夫地。卽本不生。法身智斷實相功德。名本已利。得王三昧。破二十五有顯出我性。具八自在名本殺賊迹。示二乘功德耳。觀心者。中道正觀。不漏落空假二邊。二邊煩惱滅也。能觀心性。名爲上定。衣珠秘藏。是已之物。卽已利也。正觀中道。結賊則斷。無結故有亦斷。二

邊不能縛心。故心自在。雖有煩惱。如無煩惱。不斷煩惱而入涅槃。卽其義也。

(庚)三列名總結

其名曰。阿若憍陳如。摩訶迦葉。優樓頻螺迦葉。伽耶迦葉。那提迦葉。舍利弗。大目犍連。摩訶迦旃延。阿菴樓駄。劫賓那。憍梵波提。離婆多。畢陵伽婆蹉。薄拘羅。摩訶拘緹羅。難陀。孫陀羅難陀。富樓那彌多羅尼子。須菩提。阿難。羅睺羅。如是衆所知識大阿羅漢等。

阿若下是列名。如是下是總結也。列名略舉二十

一尊者。佛諸弟子皆備衆行。而隱其圓能。各從一德標名。欲引偏好故耳。○憍陳如姓也。此翻火器。婆羅門種。其先事火。從此命族。火有二義。照也。燒也。照則闇不生。燒則物不生。此以不生爲姓。阿若者。名也。此翻已知。或言無知。非無所知。乃是知無耳。若依二諦。即是知真。以無生智爲名也。又諸經論稱爲了本際。或知本際。若依四諦。即是知滅。或翻爲得道。增一阿含云。我佛法中。寬仁博識。初受法味者。憍陳如爲第一。世界悉檀佛昔于饑世。化作大

魚閉氣不喘。木工五人。先斫魚肉。佛誓于來世先

度此人。先願與其無生故云阿若。又迦葉佛時。九

人學道。五人未得果。誓于釋迦法中最先開悟。本

願所牽。前得無生。故名阿若。爲人悉檀夫巨夜長寢。無

人能覺。日光未出。明星前現。僕陳如初得無生智。

譬若明星在衆明之始。一切人智明。無前陳如。最

先破暗。莫過明星。一切人暗滅。無前陳如。故名阿

若。對治悉檀太子入山學道。父王遣五人追侍。二是母

黨。三是父黨。二人以欲爲淨。三人以苦行爲淨。太

子苦行時。二人捨去。太子捨苦行受飲食酥油煖
水。三人又捨去。太子得道先爲五人說四諦。陳如
最初稱解。故名阿若。第一義悉約教者。從觀判教理則
易分。故委以觀而分別之。况萬二千。陳如居首。無
生乃是諸觀之宗。欲令聞名識行。例人知心故也。
三藏教者。盲譬無生智。鏡譬無生境。陰界入頭等
六分。譬現在因。像譬未來果。若開眼取鏡。形對像
生愚故不斷絕。若閉眼如盲。則無所見。不見六分
是因不生。不見鏡像是果不生。故阿含經云。若謂

1 2 3 4 5 6 7 8 9 10 1 2 3 4 5 6 7 8 9 10

有色色是淨淨卽生非不生。若謂有受想行識識
是淨淨卽生非不生。若謂有受受是樂樂卽生非
不生。若謂有想行識色色是樂樂卽生非不生。若
謂有想行想行是我我卽生非不生。若謂有識色
受受是我我卽生非不生。若謂有識識是常常卽
生非不生。若謂有色受想行行是常常卽生非不
生。譬如執鏡見面面是生非不生。若謂有五陰悉
是生非不生。若能知色非淨乃至識非常又能知
色無常苦無我不淨乃至識無常苦無我不淨者。

是爲不生非是生。如盲執鏡不見像生。是爲不生
非是生。既知不生寧復於中計我是色。計我異色。
計我在色中。計色在我中。乃至識亦如是。如是觀
者現因來果皆不生。如盲對鏡不見形像。是名觀
陰無生觀智也。觀入界者海雖深廣亦有此彼岸。
蓋小水耳。若眼見色已愛著貪樂起身口意業是
爲大海沉沒一切世間天人阿修羅當知眼是大
海色是波濤愛此色故是洄渦。於中起不善覺是
惡魚龍。起妬害是男羅刹。起染愛是女羅刹。起身

口意是飲鹹自沒。是爲眼色無知而生無明愛。愛生故名爲行。行生故名爲業。業縛識爲中陰。是爲識生。所受胚胎是爲名色生。手足及頭五庖成已。名六入生。六入對六塵名觸生。于塵別苦樂名受生。於塵起染名愛生。四方馳求名取生。造身口意名有生。應受未來五陰名生生。未來陰變名老生。未來陰壞名死生。心中內熱名憂生。聲大喚名悲生。身心憔悴名苦惱生。是名眼見召時節有三世十二因緣大苦聚生非不生耳鼻舌身意色聲。

香味觸法。眼界乃至法界亦如是。是爲入界生非不生。云何不生。觀眼色時。不種苦種。不生苦芽。不漏臭汁。不集蛆蠅。若種不生。則芽不生。則臭汁不生。則蛆蠅不生。故名不生。眼見色時。起貪恚覺。是爲苦種。念五欲法。是爲苦芽。六根取六塵。是名臭汁流出。於六塵中。善惡競起。是名蛆蠅。若知眼色無常苦空無我。則貪恚不生。念欲不生。取境不生。善惡行不生。是爲不生。耳聲等亦如是。眼界乃至法界亦如是。陳如最初得此三藏。不生智。故名阿

若通教觀者。譬如幻人執幻鏡。以幻六分臨幻鏡。覩幻像。像非鏡生。非六分生。非鏡六分合生。非離鏡與六分生。既不從四句生。則非內外中間。不常自有。亦無滅處。去不至東西南北方。性本無生。非滅生。乃無生。性本無滅。非滅滅。乃無滅。無生。無滅。故曰無生。受想行識。亦復如是。十二入十八界。亦爾。別教觀者。鏡譬法界。眼譬觀智。青黃赤白。小大長短。譬十法界。青 譬地 獄因果黃 譬餓鬼因果赤 譬畜生因果。大色像譬二乘因果。長色像譬通菩薩因果。短色像譬別菩薩因果。長色像譬佛因果。皆於鏡

中分別無謬。若欲自正。令九因果不生。一因果生。若欲正他。令他九因果不生。一因果生。依於法界。行菩提行。次第用析體觀智。斷四住生。令不生。次用恒沙佛法。斷塵沙煩惱。令無知不生。後用實相智慧。斷無明。令根本不生。若無四住。則分段不生。若無無知。則方便不生。若無無明。則實報不生。生亦不生。不生亦不生。故名不生。圓教觀者。譬如觀鏡。圓觀。即譬理境。不觀背面。背譬無明。而譬智明。鏡譬十界因。不觀形像。形譬十界緣。非背非闇。非面非明。不取

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

種種形容。不取種種繁像。但觀圓圓無際畔。無始終無明闇。無一異差別。圓觀亦爾。不取十法界相貌。無善惡無邪正。無大小等。一切皆泯。但緣諸法實相。法性佛法。若色若香。無非實相。觀煩惱業生。皆卽無生。本無生與不生。故曰無生。墮入界苦。卽是法身。非顯現故。名爲法身。障卽法身。貪恚癡。卽般若。非能明故。名爲般若。無所可照。性自明了。是爲般若。業行繫縛。皆名解脫。非斷縛得脫。亦無體可繫。亦無能繫。故稱解脫。解脫卽業不生。般若卽

煩惱不生。法身卽苦不生。是三不生。卽一不生。是二不生。卽三不生。非三非一。故言不生。况變易煩惱業苦。而非不生。此應具須十乘十境及方便等。全指止觀一部文也。本迹者。是憍陳如。本自不生。非始不生。欲引乳爲酪。故迹爲初教不生。引酪爲生酥。故迹爲通不生。引生爲熟。故迹爲別不生。引熟爲醍醐。故迹爲圓不生。而其本地。在阿字門。謂一切法初不生。故若聞阿字門。則解一切義。皆非生非不生。垂迹引化。能爲生不生。衆生若能會圓不生。則同阿若。非本非迹。

非生非不生。大事因緣於茲畢矣。故下文云。富樓那種種變化事。我若具足說。衆生聞是者。心則懷疑惑。卽其義也。阿含云。阿難持傘蓋燈隨佛後。大梵王持傘蓋燈隨陳如後。斯皆示迹而欲顯本也。觀心不生。約三觀不生可知。如此釋者。則隨聞一句。若人若法。皆成化儀。悉可爲觀。能令後代聞名。起行。稟教識體。思迹覩本。尋其因緣廣照始末。若得此意於一人。所於經一句。可以爲上求境。可以識下化機。可以曉聖者化儀。可以了凡衆稟益。可

以達名義同異。可以知行等理殊。可以知隨聞成觀。可以解迹本人法。可以信化事長遠。可以仰聖恩。難報。可以知衆生難化。可以知會理至難。他不見此。謂爲繁彷。釋橋陳如竟。○摩訶迦葉此翻大龜氏。亦翻光波。亦翻飲光。名畢鉢羅。因緣最廣。略如文句須者尋之。頭陀第一。親受佛囑。爲西土初祖。梵語頭陀。此云抖擻。以十二行。抖擣十二種過一者在阿蘭若處。離憤闍過。二者常行乞食。離僧中食及受請過。三次第乞食。離揀擇過。四者受一

食法離多求過。五者節量食離食味過。六者中後不飲果蜜等漿離求欲過。七者糞掃衣離好衣過八者但三衣離增減過。九者塚間住離常樂倒計過。十者樹下止離怖畏過。十一者露地坐離貪樹過十二者但坐不卧離煩惱賊過。具如十二頭陀經廣明。五是住處法。五是食法。二是衣法。且約乞食明抖撒者易得則生喜難得則生瞋得好則愛得惡則憂。憂喜依色而起即色陰受此憂喜即受陰取憂喜相即想陰。憂喜即是行陰。分別憂喜即識。

陰憂喜即意法二入亦即意法意識三界。界入陰即苦諦。我能乞食即我見。計有我無我即邊見以乞爲道。即戒取。以乞爲實即見取。如是諦當即邪見。讚喜即食毀恚即瞋。我能即慢被呵即疑。不了即癡。是爲十使。歷三界四諦即八十八使。名集讌若識乞食中四倒相似相續覆故謂常。適意謂樂動轉所作覆故謂我薄皮覆故謂淨。識四覆無四倒勤遮二惡生二善修四定根力覺道是爲道諦於乞食中不計我則癡滅。癡滅故愛滅。愛滅故瞋。

滅。瞋滅故不自舉則慢滅。慢滅故被呵則無疑。無我故我見滅。我見滅故邊見滅。不執是道則戒取滅。不計爲實則見取滅。不邪執則邪見滅。此十滅故入十八使子縛滅。子縛滅故果縛二十五有滅是爲滅諦。若於乞食中不見四真諦。是故久流轉生死大苦海。若能見四諦則得斷生死。生死既盡已更不受諸有。是爲乞食中抖擻觀慧。衣法及住處法亦如是。是爲三藏教頭陀也。通教抖擻者緣真證寂。則是住處空慧爲食。空心行諸行爲衣。常

性空無不性空時。空慧抖擻皆如幻化。妄想諸惡寂滅不起。心心數法不行故。以不可得故。諸相應中。空相應最爲第一。諸苦行中。空行第一。諸抖擻中。空慧抖擻最爲第一。別教抖擻者。依于法身以爲住處。期心法身修二德故。般若爲食。一切諸行莊嚴遮覆。遮覆抖擻黑業之惡。般若抖擻煩惱之惡。法身抖擻生死苦惡。先抖擻分段煩惱業苦。次抖擻變易煩惱業苦。是爲中道正觀頭陀。出過二乘所行苦行。圓教抖擻者。住處卽衣卽食。本有三德修得亦然。但是一

法分別說三。一抖擗。一切抖擗。行一切抖擗。一抖
擗。慧食非一非一切。身處於一切抖擗。無非實相。諸佛
所行。是如來行。過諸菩薩。所行清淨。本迹者。本與
如來同坐。畢竟空理。同得廣大法身。同得無礙智
慧。同得無量功德。內捨法愛。外無垢染。內外抖擗
本已清淨。欲引乳味。事中抖擗。次引酪味。空中抖
擗。次引生酥。別中抖擗。次引熟酥。圓中抖擗。觀心
者。卽空抖擗取相。卽假抖擗塵沙。卽中抖擗無明。
一心中抖擗五住。云○優樓頻螺。此翻木瓜林。

那提此翻河。亦翻江。伽耶此翻城。兄弟三人。並是
事火外道。因緣出瑞應經及諸部律。約教者。如增
一阿含云。優樓頻螺能將護四衆。供給四事。令無
所乏。最爲第一。那提心意寂然。降伏諸結。精進第
一。伽耶觀了諸法。都無所著。善能教化第一。是爲
酪中教意。若轉入生酥。卽應恥小慕大。例則可知。
若轉入熟酥。卽應委業領教。若轉入醍醐。如此經
中得記作佛也。本迹者。住於三德林。卽般若城。卽
法身。水卽解脫。是爲秘密本藏。而迹依林城水以

1 2 3 4 5 6 7 8 9 10 1 2 3 4 5 6 7 8 9 10

度衆生。觀心者。正觀心性中道不動如城防敵。不動而動。如水淨諸邊顛倒。雙照枯榮。如林翁鬱。三法相資。卽是連枝兄弟也。○舍利弗。此翻身子。亦云珠子。名優波提舍。此翻論義。智慧第一。因緣具如文句。約教者。若三藏智慧。卽是無學十智。斷結證真。輔佛揚化。釋論稱爲右面大將也。通教智慧者。如般若中自說。所以爲摩訶薩。謂我見衆生見佛見菩提見轉法輪見。破如此等見。故名摩訶薩。此慧異初教也。別教智慧者。當約五味分別。若從

元初但聞乳酪。不聞餘味。發心修行。但行乳酪者。此是初教智慧。若但聞酪。酪不由乳。善惡之性。性本自空。不由修善破惡滅色取空。但修卽空者。此是通教智慧。若從元初得聞醍醐。爲醍醐故。穀牛求乳。烹乳爲酪。轉酪爲生酥。轉生爲熟酥。方得醍醐。修如此行者。即是別教智慧也。若從元初。但聞牛食忍草。卽出醍醐。若能服者。衆病皆除。一切諸藥悉入其中。爲修此行。即是圓教智慧也。本迹者。本住實相。智度爲母。從境生智慧。境卽是身。智慧

是子悲愍衆生。迹爲五味身子。欲轉煩惱惡血。令成善乳。示爲外道智慧作大論師。欲烹乳爲酪。示三藏智慧爲第二世尊。欲引生酥爲熟酥。安慰饒益同梵行者。於般若領教。欲引熟酥爲醍醐。於法華初悟。斯皆迹中外現。而本地內秘。其實久矣。觀心者。一心三觀。攝得一切智慧。觀心卽空。攝得酪智慧。觀心卽假。攝得二酥智慧。及世智慧。觀心卽中。攝得醍醐智慧。是名觀心中一慧。一切慧。一切慧一慧。非

一慧。非一切慧。云

○大目犍連姓也。

翻讚誦。亦翻萊菔根。亦翻胡豆。名拘律陀。神通第一。釋論稱

左面弟子。約教者。依四禪起十四變化。依觀練熏修。十一切無漏事。禪能作十八變。卽初教中神通。依空起慧。以空慧心修諸神通。卽通教中神通。次第依三諦習得神通。展轉深入。過於二乘。卽別教神通。依於實相所得神通。不以二相見諸佛土。從真起應。不動真際。徧十法界。是則圓教神通。云
言不以二相等者。不二卽實相。見土卽神通。依理而見。故云不二相見也。言云云者。令分別之。前二

修得。後二發得。藏依事禪通依真理。別地前助圓任運發。前二名通名化。後二名密名應。前二調伏物。後二見物機。前二可破壞。後二不可壞。前二在教道。後二在證道。前二身通唯現在。後二通三世。前二聖位方修通。後二凡位俱修通。前二隨依皆可修。後二必須有勝依。本迹者。本住真際首楞嚴定能於一念徧應十方種種示現。施作佛事。以慈悲故迹爲五味神通。引令人極。觀心者。觀於一心倏有一切心。觀一切心倏無諸心。心非有無通至實相。○摩訶迦旃延此翻文飾。亦翻扇繩。亦翻好肩。論義第一。約教者。依無常苦空無我。破斷常見等。是初教論義。依空無所有不可得。

破斷常見等。是通教論義。依總持四辯觀機照假以藥逗病破斷常見等。是別教論義。依實相畢竟不有不無破斷常見等。是圓教論義。本迹者。本住福德智慧二種莊嚴能問能答。爲愍衆生迹爲五味論義師耳。觀心者。觀智研境。境發於智。智境往復卽觀心論義也。○阿観樓駄。此翻無貪。亦翻如意佛之堂弟。天眼第二。約教者。依世禪發天眼。凡夫外道也。依無漏事禪發天眼。三藏意。依體法無漏慧發諸行。依諸行發天眼。通教意。依散善發肉

眼依禪發天眼。依真發慧眼。依俗發法眼。依中發
 佛眼。別教意。依實相發天眼。天眼卽佛眼。圓教意。
 又依散善修肉眼。依禪修天眼。三藏意。依空修肉
 眼。天眼通教意。次第修五眼是別意。不次第修五
 眼是圓意。本迹者。本住實相真天眼。不以二相見
 諸佛國。迹示半頭天眼。觀心者。觀因緣生善心。卽
 肉眼。觀因緣生定心。卽天眼。觀因緣生心空。卽慧
 眼。觀因緣生心卽假。卽法眼。觀因緣生心。卽中。卽
 佛眼。云 ○劫賓那。此翻房宿。父母禱房屋而生。

善知星宿第一。又與佛共一房宿而得證果故。以
 為名。約教者。析破根塵之舍。同佛棲真諦之房。三
 藏意體達根塵卽共如來同宿真諦之房通教意。
 分別十法界根塵房舍悉得見佛別教意。於一根
 塵房舍卽見一切房舍。見一切佛圓教意。本迹者。
 本與如來同棲實相。迹示諸房宿耳。觀心者。觀五
 陰舍析空。卽空與化佛同宿。觀五陰舍卽假。與報
 佛同宿。觀五陰舍卽中。與法佛同宿。云 ○憍梵
 波提此翻牛呵。受天王供養第一。約教者。住天園。

是示善。有牛嚼。是示惡。三藏意也。以牛嚼身得道。示惡非惡。居天園而牛嚼。示善非善。通教意也。示界內外善惡者。別教意。示善惡實相者圓教意也。示迹者。本住四無所畏。安住聖主如牛王第一義。天迹示牛吼。樂居天上也。觀心者。觀於心性中道之理。安步平正。其疾如風。正用丈夫牛王而通取白牛引駕。○離婆多此翻星宿。亦翻假和合。因二鬼爭屍而得道故。坐禪入定。心不倒亂第一。約教者。析破五陰。非我所有。三藏意體達五陰。本非我有。通教意。分別十

法界五陰。皆非我有。別教意。達五陰。非我有。非他有。見陰實相圓教意。本迹者。本住日星宿三昧。迹示此名。觀心者。觀心念佛。見十方佛多。如夜觀星云云。前約教則寄假合。今本迹觀星並約星宿皆隨便耳。見佛如星。般舟中意。觀心下云云。應廣引般舟。○畢陵伽婆蹉此翻餘習。樹下苦坐。不避風雨。第一。約教者。減慢故無慢。三藏意。卽慢無慢。通意。分別十法界高下別意。八自在。具足佛法圓意。本迹者。本住常樂。我淨八自在。我微妙梵聲。迹示慢心惡口。觀心者。觀粗言輕語。皆歸第一。

義。三觀總別。俱第一義。○薄拘羅。此翻善容。年一百六十歲。無病無夭。常樂閒居第一。約教者。滅喧入真。三藏寂靜。卽喧而真。通教寂靜。離二邊入中。別寂靜。卽邊而中。圓寂靜。本迹者。本住大寂靜。定長壽是常。無病是樂。不夭是我寂靜是淨。居此四德之本。迹示六根寂靜。觀心者。心性中道。卽空卽假。卽中。常樂我淨觀也。○摩訶拘繩羅。此翻大膝。舍利弗母舅。辯才第一。約教者。外通四韋陀。內通三藏。初教四辯。我無所得辯。乃如是。通教四辯。若

名若義。徧十法界。別教辯也。依於實相。徧一切辯圓教辯也。本迹者。本住口密口輪。不思議化。大定大慧。迹示大膝。觀心者。觀心卽空。卽定。卽假。卽慧。以嚴其心。云。○難陀。亦云放牛難陀。此翻善歡喜。有言卽律中跋難陀。約教者。事歡喜理無歡喜三藏意。卽事歡喜是理。歡喜通教意。歡喜地。卽別教。歡喜住。卽圓教。住無歡喜之名。但約別地。證道既同。故借地以名住。本迹者。本住實際。非喜非不喜。迹名歡喜。觀心者。觀心與理相似。相應。名歡喜觀。○孫陀羅。此翻好愛。亦

翻端正。以妻彰名。難陀如前釋。佛之親弟也。約教者。俗諦有法喜真諦無喜。三藏意。卽俗喜是真喜。通教意。從通法喜。有俗法喜中法喜。別教意。卽通喜具一切法喜。圓教意。本迹觀心。如難陀中說。○富樓那。翻滿願。是其父名。彌多羅尼。翻慈女。是其母名。從父母以得名。故稱爲滿慈子。說法第一。約教者。殷勤析法。所作已辦。三藏願滿。體達卽空於空得證。通教願滿。法眼具足。別教願滿。在秘密藏圓教願滿。本迹者。本願久滿。迹爲說法第一。示衆

生知識也。觀心者。如止觀中人行理等善知識。觀人是佛菩薩。羅漢行是六度道品。理是法性實際。云善吉。善業。善現。解空第一。約教者。滅色空智生藏教意。體色空智生通教意。從有智生空智。從空智生俗智。從俗智生中智。別教意。空生卽有智。亦卽俗智。中智是圓教意。本迹者。本住實相法身。迹示見空而生。觀心者。不在內外中間。非自有。是爲觀心法身。○阿難。此云歡喜。或云無染。佛之堂弟。多聞第一。約教者。歡喜阿難。三藏也。賢阿難。通也。

典藏阿難別也。海阿難圓也。本迹者。本住非歡喜。非不歡喜。法身如虛空。智慧如雲雨。能持能受。迹爲歡喜也。觀心者。與卽空假中相應故歡喜。從名字乃至真觀相應。○羅喉羅此云覆障。佛之子也。因緣如文句。密行第一。約教者。析法道諦障四住。三藏意體法道諦障四住。通教意次第三智障五住。別教意一心三智障五住。圓教意本迹者。本住中道障塞二邊。迹示覆障。觀心者。卽假故障涅槃卽空故障生死。卽中故障非生死非涅槃。○結云。

衆所知識者。或言知祇是識。或言聞名爲知。見形爲識。見形爲知。見心爲識。本迹者。本爲衆生作滿字知識。迹爲半字知識。觀心者。如止觀說。上來多知識衆竟。

(B) 二少知識

復有學無學二千人。

次列少知識衆。但舉位明數而不歎德。呼此爲少知識耳。凡不測聖。聖不以多識少識分優劣。但希高慕遠者。以多識引之。藏名隱德退讓者。以少識

引之。隨順衆生故有若干。不可以多少之迹失其本也。約教者。藏教初二三果爲學人。四果爲無學人。通教離欲地前名學已辨地名無學。又九地皆名學第十佛地名無學。別圓二教或就功用無功用明學無學。或就具足未具足明學無學。又阿含中外道間佛羅漢更學不。佛言。羅漢不作惡法住於善法。學其無學。卽名爲學。若爾。學人亦得稱無學。何以故。齊其所斷不復更斷。卽是無學。是爲四句。就五方便。非學非無學。共成五句。約四教例亦

應爾。則二十句。本迹者。本法身大士。居滿字學無學位。衆生應以半字學無學人。莊嚴雙樹傳傳。引之。觀心者。正觀中道不緣二邊。中間卽是無學。能如是觀。是名爲學。又不緣而緣名無學學。常如是觀。名學無學。對未修者成第五句。亦可約理爲第五句。亦得三觀各爲五句。若約觀門明數者。色心具十界。十如。界如。互論。卽二千也。初比丘衆竟

(戊) 二比丘尼衆

摩訶波闍波提比丘尼與眷屬六千人俱。羅睺羅母

耶輸陀羅比丘尼亦與眷屬俱。

摩訶波闍波提此云大愛道。佛之姨母。本住智度法門。迹爲千佛之母。生育導師。觀解者。中觀廣博名大。無緣慈。名愛。中理虛通。名道。大卽自行。愛卽化他。如以愛故受生。慈故涉有。道卽通自行化他也。六千者數也。觀解者。觀六根清淨。具千功德。耶輸陀羅。此翻華色。亦翻名聞。佛在家時。有三夫人。一瞿夷。二耶輸。三鹿野。本迹者。妻齊也。豈有博地爲菩薩妻。故知本住寂定微妙法喜。迹爲太子妻。

耳。觀心者。觀空無漏法喜。卽以鹿野表妻。不生假道種智法喜。卽以耶輸表妻。生羅子故觀

以瞿夷表妻。

位最

大故上來當分各明本迹觀心。今更

總論顯善權曲巧。明觀行精微。總明本迹者。夫首楞嚴定。種種示現。稱適根性。靡所不爲。今且近論。

若釋尊托迹王宮降神聖后。法身大士皆輔佛行化。散影餘家。若三十二瑞金姿誕應。諸大士亦各

各出生或空室。

須菩提

雨寶満

慈

寄辨通夢。舍利若

皇太子捨國捐王踰城學道。諸大士悉從師請業。

1 2 3 4 5 6 7 8 9

才藝兼通爲彼宗匠。若如來法輪初啓。甘露門開。諸大士知化緣未熟。示同不受。分庭抗禮。崇我道真。能化所化。全生如乳。若所化緣熟。則素絲易染。池華早開。華凡成聖。轉乳爲酪。師宗爲佛上首弟子。或智慧神通辯才三昧。各各第一。共輔法王。更度未度。重熟已熟。於方等座聞菩薩不可思議功德。則恥小慕大。如轉酪爲生酥。次聞般若摩訶衍門。初歷色心。終于種智。舍挾小大。出內取與。或共或別。或偏或圓。奉命領知。心漸通泰。如轉生酥爲

熟酥。次聞法華。會天性定。父子授記。荔付大乘。廢三歸一。如餘四味。同一醍醐。不令一人獨得滅度。皆以如來滅度而滅度之。法王法臣。大事出世。巧用方便。初用半字法。破二十五有之繁瑣。成四枯雙樹。利益衆生。次用半滿法。破二乘之獨善。成菩薩之廣大。成四榮雙樹。利益聖人。後用常住滿字。破二邊之前後。成非枯非榮。佛秘密藏。究竟利益。主將之功畢。大誓之願滿。故身子目連。於法華而息化。聖王贖命斯亦不久。文云。如我本誓願。今者

已滿足。如來不久當入涅槃。唱滅之言。起自於此。二萬燈明迦葉佛等。皆於法華究竟。今佛師弟。皆於此經發迹。內秘菩薩行。外現作聲聞。我實成佛已來無量億劫。以此推之。諸大羅漢。從法身地。俯影隨緣。迹臨萬水。爲學無學。作男作女。示道示俗。首楞嚴力。靡所不爲。方便善權。爲若此也。如此總別兩重。消釋本迹。尚恐失旨。直爾一句翻名。何異諸教聲聞衆耶。總明觀心者。上來師弟施化法身所爲。若不作觀。方便於行人無益。如貧數寶似盲。

一執燭然心數甚多。且約善數。如弟子者。衆但舉一人耳。十善數輔心王。能改惡就善。華凡成聖。辨一切法門。但以十心數爲本。如十弟子輔佛行化。其熟衆生立於佛法也。十人各備衆德。爲引專門。宣示佛道。隨衆生欲。欲慧者。師身子乃至欲多聞者。師阿難。共輔法王。各掌一職。今觀心亦如是。一心中皆具王數。爲成觀故。王數相扶而取開悟。或於想數入道。或於欲數入道。隨所宜者。心王心數而共攻之。化取塵勞諸心。而作佛事。作此觀未悟。

觀行如乳。若發無漏觀行如酪。若破塵沙。如生熟
酥。若破無明。觀如醍醐。心數塵勞。若不盡者。觀則
不訖。故經言。衆生不度盡。我不成正覺。節此意也。
旭謂二十一大羅漢應準唯識。總表二十一善心
數法。謂觸作意受想思欲解念定慧信慚愧精進。
無貪無瞋。無癡輕安不放逸。行捨不害。一一互相
應。一一具衆德。共輔心王。自利利他。窮未來際。無
有斷絕。然不煩。一一主配貴在得意耳。初聲聞衆
覓。

① 二菩薩衆者。釋論云。菩薩爲出家在家四衆攝。
何故別列。答。有菩薩墮四衆中。有四衆不墮菩
薩中。爲其不發心作佛故。今別列同發心求作
佛者名菩薩衆。文爲三。初氣類大數。二明位歎
德。三列名總結。戊今初。

菩薩摩訶薩八萬人。
具存應云。菩提薩埵摩訶薩埵。什師略之。菩提翻
道。薩埵翻有情。摩訶翻大。謂道心大道心之有情
卽氣類也。菩薩多種。謂偏通別圓。如釋論引迦旃

延子明六度齊限而滿者欲調血衆生爲乳也。若大品明有菩薩發心與薩婆若相應者欲調乳入酪也。若大品明有菩薩發心遊戲神通淨佛國土者欲調酪爲生熟酥也。若大品明有菩薩發心卽坐道場成正覺轉法輪度衆生者是調酥爲醍醐也。故下文云菩薩聞是法疑網皆已除又云若菩薩不聞法華非善行菩薩道若聞此經卽善行菩薩道故略有四種也本迹者本地難測或居等覺或齊法王如文殊本是龍種上尊王佛迹輔釋迦

爲菩薩等引導四味同歸醍醐然其本地究竟成就。豈是今日始入大乘亦非寂場高山先照若頓若漸皆迹所爲耳觀心者中道正觀雙照二諦名大通至極果名道破五住塵勞名成衆生八萬人者數也餘經集衆甚多此經何少或是語其大數或譬如王論密事不可率土同謀今開秘藏不涉權下證信之人皆非卒爾必是圓人及有遠本也者觀心者觀一善心具百界千如十善卽萬法約八正道卽八萬法門十善爲所觀

1 2 3 4 5 6 7 8 9 10

1 2 3 4 5 6 7 8 9 10

1 2 3 4 5 6 7 8 9 10

(戊)二明位歎德

皆於阿耨多羅三藐三菩提不退轉。皆得陀羅尼。樂說辯才。轉不退轉法輪。供養無量百千諸佛。於諸佛所植衆德。本常爲諸佛之所稱歎。以慈修身。善入佛慧。通達大智。到於彼岸。名稱普聞。無量世界。能度無數百千衆生。

初句亦明位亦歎德。次十二句但歎德。共十三句。橫豎歎德也。阿耨多羅三藐三菩提此云無上正等正覺。義通四教。不退轉者。約位行念論不退。亦

有四別。若云不生三惡道。名位不退。不生邊地。諸根完具。不受女身。名行不退。常識宿命。名念不退。具此名阿鞞跋致地。三藏義也。若從初地至六地。不退爲凡夫。名位不退。雖正使已盡。而未能偏修萬行。其行猶退。至七地。名行不退。而猶起二乘念。故有念退。至八地道觀雙流入法流水。名念不退。名阿鞞跋致地。乃通教三乘共十地義耳。地師云。十住是證不退。十行是位不退。十回向是行不退。十地是念不退。是別教義。瓔珞云。初地三觀現前。

心心寂滅。自然流入亦別教義。若華嚴明初住得
如來一身無量身具三不退。乃圓教義是一實事。
今用此判妙位也。本迹者。本地寂滅。尚非十地。况
是初住。尚非圓初住。况復別通別通之位。可釋餘
經列衆圓教之位。正在今經既不識迹。安能知本。
觀心者。三觀卽三不退。又一心三觀。卽一心三不
退。須約六卽。此句卽豎歎初歡喜地不退墮二邊。
入于中道。橫歎初發心住出過二邊。華凡超聖也。
皆得陀羅尼者。陀羅尼此翻遮持。遮惡持善。豎歎

離垢地戒度清淨。橫歎初住遮三障持三德也。樂
說辯才句。豎歎發光地得大聞持。具四無礙辯。橫
歎初住口密功德也。轉不退轉法輪句。豎歎悞慧
地自破已惑破他迷闇。橫歎初住現身作佛。說法
度生也。供養無量百千諸佛句。豎歎難勝地以禪
定神通力徧興供養。橫歎初住徧能承事十方諸
佛也。於諸佛所植衆德本句。豎歎現前地。般若現
前智是德本。如種種于地。橫歎初住得實相本能
植衆德也。常爲諸佛之所稱歎句。豎歎遠行地。三

0 1 2 3 4 5 6 7 8 9

70 80

1 2 3 4 5 6 7 8 9

智方便出過一切廣修利益稱會佛心。橫歎初住。開佛知見。與諸佛同。故爲佛所稱歎也。以慈修身句。豎歎不動地慈薰三業。薰身入五道。薰口爲說法。薰心爲設方便。橫歎初住無緣慈力能普現色身。徧應法界也。善入佛慧句。豎歎善慧地。深入實際妙微本源。橫歎初住入祕密藏也。通達大智句。豎歎法雲地。智波羅蜜最爲增上。橫歎初住一心三智無能障礙也。到於彼岸句。豎歎等覺內德。到三諦之彼岸。橫歎初住事理分究竟也。名稱普聞。

無量世界句。豎歎等覺外德灌頂受職。法界咸聞。橫歎初住圓德真實與名相稱也。能度無數千衆生句。豎歎等覺化他恩德。比之下地最勝最廣。橫歎初住能爲十法界作依止也。夫諸地悉具衆德而今約豎出沒釋者爲人情好異故。又依十地名便故。又豎義易解故。作此一塗消文耳。初住更有無量無邊不可思議功德而今但十三句者略言之耳。初住尚爾。二住乃至等覺可知。故大品云。初阿字門。具四十一字功德。後茶亦具諸字功德。

法華會一

五

中間亦爾。字等語等功德亦等觀心者空觀是旋陀羅尼假觀是百千旋陀羅尼中觀是法音方便觀觀心無量心心心數法皆是法門卽行持陀羅尼中觀觀心即是實相卽是義持陀羅尼假觀觀心具十界法卽法無礙辯中觀觀心十界皆入實相卽義無礙辯空觀觀心十界但有名字語言卽解無礙辯觀一心卽三心三心卽一心一界一切界旋轉無礙卽樂說無礙辯空觀是轉位不退法輪

輪假觀是轉行不退法輪中觀是轉念不退法輪供養佛者祇是隨順佛語今順佛教修三觀心卽是供養佛爲破五住得解脫故卽供養法三諦理和卽供養僧又衆行心資觀智心卽供養佛觀智心開發境界卽供養法境智心和卽供養僧實相心是觀智心本觀智心是衆行心本得本種植則立故言植衆德本觀智心冥於境界境界印於觀智智有所照常與境合卽是爲佛所歎空觀爲法緣慈所熏假觀爲衆生緣慈所熏中觀爲無緣慈

1 2 3 4 5 6 7 8 9 10

11 12 13 14 15 16 17 18 19 20

所熏空觀入通佛慧假觀入別佛慧。中觀入圓佛慧。空觀到一切智彼岸。假觀到道種智彼岸。中觀到一切種智彼岸。空觀聞於真諦。假觀聞於俗諦。中觀普聞中道第一義諦。亦普聞三諦。空觀度四住百千衆生。假觀度塵沙百千衆生。中觀度無明百千衆生。一心三觀有無量德歎不能盡。止略說耳。

(戊)三列名總結

其名曰文殊師利菩薩。觀世音菩薩。得大勢菩薩。常

精進菩薩。不休息菩薩。寶掌菩薩。藥王菩薩。勇施菩薩。寶月菩薩。月光菩薩。滿月菩薩。大力菩薩。無量力菩薩。越三界菩薩。跋陀婆羅菩薩。彌勒菩薩。寶積菩薩。導師菩薩。如是等菩薩摩訶薩八萬人俱。大士大名或從法門或從行德或從本願雖是一名備無量義。今依經依觀銷十八菩薩名。文殊師利此云妙德。大經云了了見佛性。猶如妙德等。思益經云。雖說諸法。而不起法相。不起非法相。故名妙德。悲華經云。願我行菩薩道所化衆生皆於十

方先成正覺令我天眼悉得見之。我之國土皆一生菩薩悉令從我勸發道心。我行菩薩道無有齊限。寶藏佛言汝作功德甚深甚深願取妙土。今故號汝爲文殊師利在北方歡喜世界作佛號歡喜藏摩尼寶積今猶現在聞名滅四重罪。又首楞嚴三昧經云過去無量阿僧祇劫有佛號龍種上尊王亦卽文殊觀心者三德秘藏不縱不橫故名妙德。觀世音梵云婆婁吉低稅具如普門品釋觀心者二智名觀三諦名世三觀是語本故名音。約事文

釋以所被爲音此但約能觀以所宣爲音得大勢亦名大勢至思益經云我投足之處震動三千大千世界及魔宮殿故名大勢至觀經云但見此菩薩一毛孔光卽見十方諸佛淨妙光明是故號此菩薩名無邊光以智慧光普照一切令離三塗得無上力是故號此菩薩爲大勢至觀心者三止爲足投三諦地動十法界一切見愛所住之處皆悉傾動常精進者大寶積云是菩薩爲一衆生經無量劫隨逐不捨猶不受化無一念棄捨以身心俱進故不休息者思益

經云。恒河沙劫爲一日夜。是三十日爲月。十二月爲歲。過百千萬億劫得值一佛。如是值恒沙佛行諸梵行。修習功德。然後受記。心不休息。觀心者。觀空不住。空出假不住假而入中不住中。雙照二諦名不休息。不休息與常精進義意略同。欲辨別者。無間趣入。名爲精進。長時無廢名不休息。是故觀解名爲不住。故釋不休息亦約長時。但記別與利生不同耳。寶掌者。普超經云。被上德鎧。無能沮敗。若於夢中不志二乘。常以實心。諸通慧心。爲人講。

宣於諸珍寶。心無貪惜。觀心者。不思議三諦名之爲寶。一心三觀名之爲掌。以此觀掌。執此諦寶。自利利他。藥王者。悲華經云。願賢劫一千四佛初成道。我皆供養。諸佛入滅。我皆起塔。劫盡苦惱。我皆救護。刀兵疾疫。作大藥王。然後作佛。寶藏佛言。今當字汝爲火淨藥王。在後作佛。卽樓至如來。觀心者。一心三觀。自療療他。勇施者。出世法寶。偏施衆生。而無疲厭。寶月者。所證三諦可貴。如寶能證三智圓照。如月。月光者。圓妙三智能除昏煩熱惱。満

法華會記

五

月者三智圓明無有缺減大力者智境冥合有大
力用無量力者以大力用徧應衆緣徧拔衆苦越
三界者以一心三觀超越分段變易二種三界跋
陀婆羅者此云善守亦云賢守亦賢首亦賢護思
益經云若衆生聞名者畢定得三菩提故名賢守
位居等覺衆賢之首故名賢首善巧將護令其不
退故名賢護觀心者中道正觀于諸善中最爲上
首彌勒此云慈氏思益經云衆生見者即得慈心
三昧悲華經云發願于刀火劫中救護衆生名阿

逸多此翻無能勝觀心者中道正觀卽無緣大慈
慈善根力令諸心數皆入同體大慈法中寶積者
積聚一心三智之寶導師者思益經云於墮邪道
衆生生大悲心令入正道導也不求恩報師也觀心者
三觀妙智導一切行不墮二邊皆入正觀結句可
知二菩薩衆竟

(1)三雜衆者果報與形服雜得道者與未得道者
雜其中得二乘道者無漏智與無明雜其中得
菩薩道者滬和與衆機雜其中得佛道者一法

具一切法故言雜。雜義如是不可以凡夫形俗
判之。復不可以五道人天等判之。就文有八。初
欲界天衆。二色界天衆。三龍衆。四緊那羅衆。五
乾闥婆衆。六阿修羅衆。七迦樓羅衆。八人衆。

(戊) 今初

爾時釋提桓因與其眷屬二萬天子俱。復有明月天
子。普香天子。寶光天子。四大天王。與其眷屬萬天子
俱。自在天子。大自在天子。與其眷屬三萬天子俱。
釋提桓因此翻能作作三十三天主也。約教者。阿

舍明帝釋是阿那含。般若明十方難問。般若者皆
名釋提桓因。別圓中明釋提桓因得首楞嚴三昧。
內證不同。過賢劫二千四十四劫作佛號無著世
尊。本迹者。十住十行十向爲三十。十地爲一。等覺
爲二。妙覺爲三。同棲第一義天。共服實相甘露。卽
本也。居須彌頂迹也。觀心者。自行十善。勸他行十
善。隨喜行十善者。此三十善皆空皆假。皆中卽三
十三觀門。明月等三天子是內臣。如卿相。或云明
月是寶吉祥月天子。大勢至應作。普香是明星天

60 1 2 3 4 5 6 7 8 9 70

80

子虛空藏應作寶光是寶意日天子觀世音應作
卽本迹釋也觀心者三觀卽三智三智卽三光從
三諦生三智諦卽天智卽子四大天王是外臣如
武將東提頭頰吒此云持國亦言安民居黃金山
領健闡婆及富單那南毗留勒又此云增長亦云
免離居琉璃山領鳩槃茶及薜荔多西毗留博又
此云廣目亦云雜語居白銀山領龍及毘舍闍北
毘沙門此云多聞居水精山領夜叉及羅刹各領
二鬼不令惱人故稱護世本迹者本爲常樂我淨

四王護持佛法四德雙樹不令外人取其枝葉研
截破壞迹爲護世四王觀心者觀四諦智卽是四
王一諦下除愛見二惑卽是領八部不令惱人也。
四教各四諦當教各稱王不列夜摩兜率者文略耳自在卽化
樂天大自在卽他化天本迹者本住自在自在王
等定迹爲兩天耳觀心者入空是自在入中是大
自在

(戊)二色界天衆

娑婆世界主梵天王尸棄大梵光明大梵等與其眷

屬萬二千天子俱

娑婆此翻忍。悲華經云。是諸衆生。忍受三毒及諸煩惱。故名忍土。梵者。此翻離欲。除下地繫土。升色界。亦稱高淨尸。棄此翻頂髻。光明者。二禪也。等者。等取三禪四禪。約教者。梵王爲一代請法輪主。請小則小。請大則大。本迹者。本住清淨一實妙境。迹居色界。觀心者。觀除惑穢名梵。

(戊)三龍衆

有八龍王。難陀龍王。跋難陀龍王。娑伽羅龍王。和修

吉龍王。德叉迦龍王。阿那婆達多龍王。摩那斯龍王。優鉢羅龍王等。各與若干百千眷屬俱。

難陀。此云歡喜跋。此云善。兄弟常護摩竭提國。雨澤以時。得無饑年。卽目連之所降也。居大海中。本迹者。本住歡喜地。迹居海間。觀心者。三觀卽中道生法喜也。娑伽羅從居海受名。本住智度大海迹處。滄溟觀心者。中道觀如海能統萬流。和修吉。此云多頭。亦云寶稱。本住普現色身三昧。迹示多頭觀心者。一假一切假。一空一切空。一中一切中。故

名多頭德又迦此云現毒亦云多舌本住樂說無
礙辯迹示多舌觀心者一心三觀如塗毒鼓能發
四辯阿那婆達多此云無熱從池得名在闍浮雪
山頂無熱沙惡風金翅三患本住清涼常樂我淨
迹處涼池觀心者三觀妙慧淨五住之煩嗟免二
死之熱沙摩那斯此云大身或云大意或云大力
修羅排海淹喜見城此龍縈身以遏海水本住無
邊身法門迹爲大體觀心者中道正觀其性廣博
優鉢羅此云青蓮華池依住處得名本住法華三

昧迹居此池觀心者三觀即是修因因卽蓮華也

(戊)四緊那羅衆

有四緊那羅王法緊那羅王妙法緊那羅王大法緊
那羅王持法緊那羅王各與若干百千眷屬俱
亦云真陀羅此云疑神似人而有一角天帝法樂
神也應奏四教法門本住不可思議不起滅定安
禪合掌以千萬偈讚諸法王迹寄弦管歌詠十力
觀心者觀音聲卽空卽假卽中卽是讚佛

(戊)五乾闥婆衆

1 2 3 4 5 6 7 8 9 10

80

有四乾闥婆王。樂乾闥婆王。樂音乾闥婆王。美乾闥婆王。美音乾闥婆王。各與若干百千眷屬俱。

乾闥婆此云喚香。以香爲食。亦云香陰。其身出香。天帝俗樂神也。樂者幢倒伎也。樂音者鼓節弦管也。美者倒幢中勝。美音者弦管中勝。幢謂綠竿木也。倒謂擲倒等。以俗表眞。亦可對四教法門釋出。本住不可思議妙假迹奏俗樂。觀心者空中卽假。

(戊)六阿修羅衆

有四阿修羅王。婆稚阿修羅王。佉羅騫駄阿修羅王。

毘摩質多羅阿修羅王。羅睺阿修羅王。各與若干百千眷屬俱。

阿修羅此云無酒。亦云無端正。亦云非天。婆稚此云被縛。爲帝釋所縛。本能五繫繫魔外道迹爲此像。觀心者以三觀智縛五住惑入實際中。佉羅騫駄此云廣肩胛。亦云惡陰。能涌海水。本住權實二智慈荷衆生迹爲廣肩。觀心者三觀能鼓覆五住生死大海也。毘摩質多羅此云淨心。亦云種種疑。卽舍脂夫人之父。本迹者色心本淨迹示醜嫉觀。

心者。正觀中道。即是淨心。羅睺此云障持。舉手障日月光。本持中道實相。能障二邊邪光。迹示此像耳。觀心者。持真諦。障愛見光。持中諦。障空有光。又總約敎者。初敎菩薩具足五住。名被縛。通觀稍廣。名廣肩胛。別敎初心知中名淨心。圓敎障惑持理。名障持。總本迹者。本住第一義天。迹示無天。總觀心者。能觀卽空。無三界之人天。能觀卽假。無方便之義天。能觀卽中。無實報之義天。一心三觀。住常寂光。非人非天之人天。

戊七迦樓羅衆

有四迦樓羅王。大威德迦樓羅王。大身迦樓羅王。大滿迦樓羅王。如意迦樓羅王。各與若干百千眷屬俱迦樓羅。此云金翅。威攝諸龍。名大威德。大於羣輩。名爲大身。龍恒充滿已意。名爲大滿。頭有寶珠。名爲如意。約敎者。過諸外道。名大威德。大乘初門。故名大身。恒沙佛法。故名大滿。圓明自在。故名如意。本迹觀心可例。

戊八人衆

韋提希子阿闍世王與若干百千眷屬俱

韋提希此云思惟是其母名父名頻婆娑羅此云模實阿闍世此云未生怨或呼爲婆留支此云無指宮人將護呼爲善見善見之名本也無指之稱表達普超經中先已懺悔滅罪故于法華爲證信
舉涅槃經中追敘先事耳本住不可思議解脫迹
不五逆觀心者弑無明父害貪愛母問佛在人中
說法列人衆何少答文略不載人實不少文云及
計小王轉輪聖王等無量義經列四輪王國王國

臣國民士女其衆則廣又分別功德品四天下乃至大千塵數得道其內豈無人類衆耶問天人龍鬼皆見佛聞法地獄一道無色一界何意不列答此義今當辨夫諸道昇沉由戒有持毀見佛不見佛由乘有緩急然持戒有粗細故受報有優劣持乘有大小故見佛有權實且略判戒乘各爲三品次以四句料簡其義則顯一戒乘俱急二戒緩乘急三戒急乘緩四戒乘俱緩然通論戒乘則一切善法一切觀慧皆得稱戒亦皆得稱乘如人天等

五乘及道共等戒是也。今就別判。則三歸五戒。十善八齋出家律儀乃至定共。能防身口。遮惡道果。得人天報者。名之爲戒。若聞經生解觀智推尋。四諦十二緣。六度。生滅。無生。無量。無作。諸智能破煩惱。運出生死者。名之爲乘。一戒乘俱急者。持下品戒。戒急報在人中。持小乘乘急以人中身於三藏教見佛聞法。持中乘乘急以人中身於通教大乘。乃至帶方便諸大乘教見佛聞法。持上乘乘急以人中身於華嚴法華等教。及諸教中圓見佛聞法。

若持中品戒。戒急報在欲界天。持小乘乘急以欲界天身於三藏教見佛聞法。餘如上說。若持上品戒。戒急加修禪定。報在色無色天等。持小乘乘急以色無色天身於三藏教見佛聞法。餘如上說。釋第一句竟。二戒緩乘急者。三品戒皆緩報墮三塗。持小乘乘急以三塗身於三藏教見佛聞法。餘如上說。釋第二句竟。三戒急乘緩者。三戒急故受人天及色無色天身。三乘緩故佛雖出世說三乘法。愛著樂報耽荒五欲。不見佛不聞法。舍衛三億家。

及三界著樂諸天等是也。釋第三句竟。四戒乘俱緩者。受三塗報不見佛不聞法也。此文不列地獄者。以其戒緩苦重報隔。上乘又緩。不能於法華見佛聞法。餘經有列者。餘乘急耳。又不列無色天者。上戒急故受天身。著定味。上乘緩故不能于法華見佛聞法。餘經有列者亦有餘乘急耳。若得此意。一一勘天龍八部。皆識本緣緩急。來不來義悉可解。廣釋如淨名疏。又識權者引實本迹義轉明。將此勘已觀行。三世因果朗然可識。妙樂云。淨名疏

妙以七義解釋四句。一明乘戒值佛不同。二信法二行不同。三大小乘別。四根性漸頓。五應迹。六觀心。七化他。初云乘戒者。有乘則值佛。無乘則不來。二信法者。坐禪聽學講說。皆得值佛。但隨所習大小。四漸頓者。大小各有漸頓故也。五應迹者。已得二十五王三昧。應二十五有。引實行者來至佛所。六觀心者。但隨觀行以判見佛。七化他者。見與不見。皆約利他。大權現迹略如今文。初列衆竟。

(丙)二總結衆集

各禮佛足退坐一面

初通叙述本兩門竟

妙法蓮華經台宗會義卷一之一

祖堂弟子修如 性印募刻普願見聞隨喜

子升此

音不同三生極樂國中法界衆生同圓種智

四生無量壽無量福無量壽無量福無量壽無量福

妙法蓮華經台宗會義卷一之二

古吳後學薄益智旭述

(甲)二別說迹本兩門。大分爲二。初自今文至安樂行品是迹門開權顯實。二自從地涌出品至常不輕品是本門開近顯遠。

(乙)初迹門開權顯實爲三。初序段。二自方便品至授學無學人記品是正說段。三自法師品至安樂行品爲流通段。(丙)初序段五。初衆集序。二現瑞序。三疑念序。四發問序。五答問序。集衆敘

人一現瑞敘理一。疑念敘行一。問答敘教一。此因緣釋也。集衆是世界。現瑞是第一義。疑念約是爲人。問答是對治。一往如此。約教者。此序序正。非三藏非通非別。乃是序於圓正耳。開已唯圓。本迹者。若以序序壽量品中本地四一。此義自可知。本門須至壽量。然亦可以密表本四。久成不逾此四。故也。近雖殊四一理等。觀心者。一心三諦理一也。一心三觀行一也。作是觀者人一也。能詮觀境敘一也。又常觀三德能所皆四。法身理也。般若教也。解脫行也。和合三法成假名人。卽觀

行如來也。約六卽位位位四一。於念念中。念念四一。色一香無非四一。如此觀行。真法華三昧也。心境互發。卽因緣觀之四一。不同三教。卽約教觀之四一。久遠已得。卽本地觀之四一。

〔丁〕初衆集序

爾時世尊四衆圍繞。供養恭敬尊重讚歎。

上句是衆集威儀。下句是衆集供養。爾時者。欲現六瑞時也。四衆者。一發起衆。二當機衆。三影響衆。四結緣衆也。發起者。權謀智鑒。知機知時。擊揚發

60

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

動成辦利益。如大象瞬樹。使象子得飽。所謂發起

令集。發起瑞相乃至發起問答等。皆名發起衆。應施設名權。順宜制立。名謀有權之謀。故名權謀。實智內融。不慮而當。故云智鑒。鑒其宿善可生。可成。

救名知機。運會無舛。故名知時。此內德也。擊平等之大慈。發時衆之一善。揚不二之大慧。動稟益之三業。又擊大會之宿因。發當機之妙益。揚如來之

大教。動時衆之固執。又扣佛大悲名。擊杳啓聖旨。名揚。令聞所未聞。名發動。使聞者果遂名成辦。遂

必獲悟名利益。此外用也。大權象王瞬法身樹。至起應地。演一乘之實唱。飽妙行之機緣。發起五序。咸益物機。乃至問答等者。等取正宗。當機

者。宿植德本。緣合時熟。不起於座間。卽得道。在初在初

任通收乃攝影響者。古往諸佛法身菩薩。隱其圓六根五品。

極匡輔法王。雖無爲作。而有巨益。化主形聲。必資伴以影響。故大論問。諸比丘何故常隨世尊。答。如病差隨醫顯醫功也。此舉實行者尚有影響之儀。况法身古佛。垂形助化者耶。故知四衆如輕病者。差八部如重病者。差輕重俱有權實影響。結緣者。力無引導。擊動之能德。非伏物鎮嚴之用。過去根淺三慧不生。現世雖見佛聞法。無四悉益。但作未來得度因緣。四悉俱得名爲當機。五品世界益也。益也。但未入品。俱名結緣。故五品前無復三慧。四益無聞慧。故無世界益。無思慧。故無爲人益。無修

慧故無對治益。無證入故無第一義益。有通有別。通收五品。別在初住。故得度之言亦有通別。即是第一比丘衆既有四別。餘三衆亦然。合義之通別也。比丘衆既有四別。餘三衆亦然。合十六衆類如大通佛時王子覆講。即彼時發起衆聞法得道。即彼時當機衆聞法未度。而世世相值於今有任聲聞地者。即彼時結緣衆。彼佛既有四一十六衆。今佛道同。寧得無耶。此是圓教十六衆。約三教亦例可知。本迹者。且約體用以明本迹。本住尊極。或淡位法身。迹爲四教一十六衆。觀心者。研境作觀。在名字觀行位中。即成結緣衆。入相

似位。卽成當機衆。入分真位。卽成發起影響衆。古舊入者。唯名影響。若新入者。得是當機。亦是影響及以發起。如發誓弘經之徒。圍繞者。佛初出世人未知法。淨居天下化爲人像。到已右旋。旋已敬禮。禮已郤坐聽法。遂以爲楷。此因緣釋也。淨居天下。卽世界。化爲人像。卽爲人。以爲楷。卽對治禮。已聽法。卽第一義。圍繞謂行旋威儀表。四門機動。俱見圓理。以圓對偏。例有四義。卽約教釋也。又佛身周匝相好莊嚴。四旋瞻仰。增念佛定。卽觀心釋也。若觀佛色身。得見法身。卽本迹釋。又約體用及久近者。本住非動。非不動之法。

身迹示諸教機動繞佛供養者。通論則三業皆是供養。別論則卑謹虔禮名恭敬。至心專注名尊重。發言稱美名讚歎。施以依報名供養。此中文略。廣說應如無量義經。天厨。天香。天鉢器等。是供養。大莊嚴菩薩及八萬大士合掌叉手。是恭敬。一心瞻仰。是尊重。說七言偈。是讚歎。彼經衆集說法竟。儼然不散。卽彼座席說今法華。故用彼廣以釋此略。於義無妨。

⑦二現瑞序二初此土六瑞二他土六瑞

肉初

中六初說法瑞。二入定瑞。三雨華瑞。四地動瑞。五衆喜瑞。六放光瑞。說法表說法妙。智妙。入定表行妙。雨華表位妙。地動表境妙。乘妙。衆喜表眷屬妙。利益妙。放光表感應妙。神通妙。是故六俱名現瑞序。此與玄義神通妙中有不同者。彼則通收香風地淨兩土六瑞故徧取之。今文不列他土文者。此土自足故也。凡諸取文皆有通別。凡所表語意並含弘。是則大事大人作大感動。大機大益顯於大理。須大眷屬以輔大會。俱

感大時。大運成熟。自非靈山共稟。此世親承。焉能契之。曷有測之。

(巳)初說法瑞

爲諸菩薩說大乘經。名無量義。教菩薩法。佛所護念。初句列所說法體。次句列體上之名。第三句明菩薩所依。第四句明佛之所護也。大乘者。善戒經有七大。一法大。謂十二部毗佛略。二心大。謂求無上大菩提。三解大。謂解菩薩藏。四淨大。謂見道淨心地。五莊嚴大。謂福德智慧。六時大。謂三阿僧祇修行。七具足大。謂以相好自嚴而得菩提。六是因大。

七是果大。大因大果。名大乘經。今將十妙對之。法大。是境妙。心大解大。是智妙。淨大莊嚴大。是行妙。時大。是位妙。具足大。是三法妙。由因有果。能豈無所。故但有前五。必兼後五。然彼三祇義涉三藏。從名同邊。可對十妙。無量義者。彼經云。從一法生。其一法者。所謂無相。無相不相。名爲實相。從此實相生無量法。所謂二法。三道四果。今爲釋之。無相者。無生死相也。不相者。不涅槃相也。涅槃亦無故言。不相。正指中道爲實相也。二法。卽頓漸頓。謂華嚴。

頓中一切法也。漸謂三藏方等般若一切法也。三道卽三乘。四果卽羅漢。支佛。菩薩。佛也。此等諸法名爲無量。實相名義處。從一義處出無量法。得與無量法入一義處作序。譬如算者。從一算下諸算。除諸算歸一算。由下故除下爲除序。開爲合序。亦復如是。從一派諸收諸歸一。教菩薩法者。無量義處用教菩薩也。義處卽諦理也。下文云。普令一切衆亦同得此道。又云。若我遇衆生盡教以佛道。卽此意也。佛所護念者。無量義處是佛自所證得。下

文云。佛自住大乘也。雖欲開示。而衆生根鈍。人默。斯要不務速說。故言護念。

(已)二入定瑞

佛說此經已。結跏趺坐。入於無量義處三昧。身心不動。

(一)加趺坐者。古往諸佛及弟子盡行此法故。令人恭敬。可人天意故。不與世儀外道共。能破魔軍故。能發三菩提心故。此卽四悉檀意。說經已入三昧者。慧定相成。非禪不智。故先入定。非智不禪。故先說

法卽智而禪卽禪而智。先後入出無有隔礙。疑者云。若未說無量義可入斯定。說此經已何故入定。釋言是爲法華作序耳。何者。若不先開則後無所合。先入開定爲合定作序。故稱爲瑞相也。身心不動者與所緣實相義處相應也。身之本源湛若虛空心之理性畢竟常寂下文讚大通智勝佛云。身心及手足寂然安不動。其心常憺怕未曾有散亂。今身若金剛不可動轉。心若虛空無有分別無量義處三昧法持於身心故不動也。定依義處仍稱爲無量者。此定寂而常照能知世間從此一法出無量法也。夫身法體運動。今令不運動。心法體分別。今令不分別。序義明矣。問。瑞相本論奇異。說法入定。佛之恒儀何得爲瑞答。說法雖竟由卽入定。令時衆不散肅有所待。故知前之說法舉衆來集待於後聞。此事奇特。與常說異。何意非瑞。雖入開定意在合定。與常入定有異。何意非瑞。又文殊引古佛六瑞皆有此事。若昔非瑞相。何以證今。今古同然豈可以凡情而非之耶。

(已)三雨華瑞

是時天雨曼陀羅華。摩訶曼陀羅華。曼殊沙華。摩訶曼殊沙華。而散佛上及諸大衆。四華舊翻白。大白。赤大赤。或翻適意。大適意。柔軟。大柔軟。白表十住開佛知見。大白表十行示佛知見。赤表十迴向悟佛知見。大赤表十地入佛知見。四十位皆是佛因。是因由中道第一義生故。從天而雨。因有趣果之義故。而散佛上。如此因果誰當感歎。祇是此會時衆。故言及諸大衆。

(已)四地動瑞

普佛世界六種震動

表圓教十住十行十向十地等覺妙覺。凡六番破無明也。無明磐礎未曾侵毀。方將破壞故動地以表之。優婆塞清淨行經云。菩薩生時動地示此生已盡。無復煩惱。一切衆生應得道者。煩惱將滅。故動卽此義也。本迹釋者。如文殊釋疑。引古佛爲答。審得此意。卽是識本。非但他佛昔現斯瑞。而我世尊本亦斯瑞。非今一反也。觀心釋者。動六根也。六

根冰執。如地相堅固。動難動之地。表淨未淨之根。東涌西沒等者。東方青主肝。肝主眼。西方白主肺。肺主鼻。此表眼根功德生。鼻根煩惱互滅。鼻根功德生。眼根煩惱互滅。南方赤主心。心主舌。北方黑主腎。腎主耳。四邊表身。中央表意。身具四根意。徧緣四相對。涌沒以表功德互生煩惱互滅可知。六種者。舊云動起涌震吼覺搖颺不安名動。自下升高名起。凹凸出沒名涌。隱隱有聲名震。砰磕發響名吼。令物驚悟名覺。新云動踴擊震吼爆擊如打。

搏。爆若火聲。前三是形。後三是聲。經論略標。但云震動。卽形聲各標一也。一一中又有三。謂動徧動等徧動。當處動爲動。四天下動爲徧動。大千動爲等徧動。餘五亦爾。合十八震動。卽表淨十八界也。又根根皆修三觀。如十八動然動相雖有十八。而所動唯是一地。如根雖有六界。雖十八。以無明破故。一切俱破。

(乙)五衆喜瑞

闍婆阿修羅迦樓羅緊那羅摩睺羅伽人非人及諸小王轉輪聖王是諸大衆得未曾有歡喜合掌一心觀佛

優婆塞此云近事男優婆夷此云近事女稟受三歸五戒親近承事三寶者也然有在家出家之分在家名近事出家名近住出家住僧伽藍但未剃鬚髮未受十戒故不名爲沙彌夜叉此云捷疾亦云勇健亦云暴惡飛行鬼名摩睺羅伽此云大腹行餘如前釋人非人者四衆爲人八部爲非人此

句總結也小王如十六國王乃至聚落王等轉輪聖王有四一金輪王王四天下二銀輪王王三天下除北洲三銅輪王王二天下更除西洲四鐵輪王王南洲問佛在世時何得有四輪王答應聞法華經者皆從他土來集也問前同聞衆中何以不列答同聞證信皆非聊爾之人多是影響發起二類今則普及當機緣衆不應爲難衆見兩華地動知甘露將降故欣躍內充表大機當發感於勝應也問喜怒人之常情何得爲瑞答天華悅眼地

動震心。故大經云。動時能令衆生心動。華地是外瑞。心喜是內瑞。非常之喜。昔雖曾有。而不爲喜所動。而能一心觀佛。何得非瑞。約教者。歡喜動陰心。人天義。喜動真諦。無漏心藏通義。喜動即假心別教義。喜動實相心圓教義。今是圓動。問實理無動。那得言動。答。動卽發也。圓機當成。名動實相。本迹者。本住不動三昧。迹以地動表發。觀心者。一念妙觀初動。諸餘心所隨順而動。

(已)六放光瑞

爾時佛放眉間白毫相光。照東方萬八千世界。靡不周徧。

放光表應機設教。破惑除疑也。白毫者。觀佛三昧海經云。佛初生時。牽長五尺。苦行時長一丈四尺。得佛時長一丈五尺。其毫中表俱空。白如瑠璃筒。內外清淨。從初發心中間。行行種種相貌。乃至入涅槃。一切功德皆現毫中。毫在兩眉之間。卽表中道常也。其相柔軟。表樂卷舒自在。表我白卽表淨。放光破闇表中道。生智慧光。照此土他土。表自覺。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

覺他。復次藏通雖知二諦不知中道。如有二眉而無白毫。別教雖知三諦不能毫中具一切法。今從初至後法界中事悉現毫內卽表圓教意。復次衆經明放光不同。華嚴經現相品齒間放光出頌集衆是表欲說法。又眉間放光從足下入是表以極果而爲真因。普賢三昧品毛孔放光頌讚普賢是表普賢行徧光明覺品放兩足輪光是表十信法門須彌山頂品放兩足指光是表十住夜摩宮品放兩足上光是表十行兜率宮品放兩膝輪光是表十迴向。十地品放眉間光是表十地正證中道故云兼別。如來出現品放白毫相光入妙德頂是令問圓妙佛法放口光入普賢口是令說圓妙佛法入法界品放白毫相光令諸菩薩普見法界佛事是欲令其安住師子嚨申三昧大品般若經從足下千輻輪相乃至頂髻一一各放六萬億光明是以身輪表般若徧大涅槃經面門放光是表佛文殊云。今佛放光明助發實相義。又光照此土他口密說於祕藏。今經白毫放光正表中道實相故

土十法界事。正表十法界無非一實相印所印。約教者。丈六佛放光三藏義。帶劣勝應身放光。通教義。尊特身放光別教義。卽丈六是毘盧遮那法身放光圓教義。龍女讚云。微妙淨法身。具相三十二。正屬開顯圓也。東方者諸方之始。表十住是始位。述門說法。令生身菩薩朗然見理。入於圓住。開佛知見。舉初卽知中後。故云靡不周徧。當知諸方亦然。諸位亦然。若本門說法。四方佛集。卽表法身菩薩增道損生。四位增長也。萬八千世界者。如華嚴。

所照動以刹塵數計。此何其少。特表十八界各具百界千如。爲萬八千。此等無非佛慧境界耳。彌勒問云。放一淨光。照無量國。當知方不局東。數不止于萬八千也。明矣。又所照萬八千土。皆是五濁機緣。備須爲實施權。開權顯實者。得與此土釋迦例同。若有佛土。純說大乘。大隔于小者。則如華嚴諸經。光中所見。雖境界殊勝。而不具顯如來善巧方便。原始要終之致。故不得與此經同其妙瑞也。夫光照東方。因光得見他土六瑞。所謂六趣衆生諸。

佛說法。三乘修得涅槃起塔等。如此十界若相若。性若體若力若作若因若緣若果若報。從本至末。炳然齊現於一光中。橫該無際豎徹始終。如鏡中像。如水中月。言有不有。言空不空。光外無土。土外無光。所謂空等假等中等。上根利智。正可向此處頓了同體權實。非權非實。爲未了者。更作三周巧說耳。有人云。一光東照。妙體全彰。庶幾得之。初此土六瑞竟。

(戊)二他土六瑞。即是此土第六放光瑞中所見境。

界爲令易解。兼欲引同。故分爲六。初見六趣瑞。二見諸佛瑞。是上聖下凡一雙。三聞說法瑞。四見四衆得道瑞。是人法一雙。五見菩薩行行瑞。六見諸佛涅槃瑞。是始終一雙。既有可化衆生。卽有能化之佛。有佛卽有說法。說法卽有弟子。弟子卽是行始。行始必致終也。又此土六瑞總土六表衆生當獲自覺。彼土六瑞總表衆生當獲覺他。又此彼六瑞表此彼諸佛道同。今前五瑞是現彼土已與此同。第六瑞是現此土當與彼同。

(巳)初見六趣瑞

下至阿鼻地獄。上至阿迦尼吒天。於此世界盡見彼土六趣衆生。

阿鼻此云無間最在世界之下。阿迦尼吒此云色究竟最在色界之上。此承上文光照東方萬八千土照彼阿鼻乃至色究竟天無不盡于光中顯現故時會大眾卽於此界盡見彼土六趣衆生所謂地獄鬼畜修羅人天也。此現彼土五濁與此土同

(巳)二見諸佛瑞

又見彼土現在諸佛

此現彼土諸佛爲五濁故出現於世與此土釋迦佛出世意同

(巳)三聞說法瑞

及聞諸佛所說經法

此現彼佛初從無相一法非頓而頓演大華嚴與此土釋迦佛說華嚴經意同

(巳)四見四衆得道瑞

并見彼諸比丘比丘尼優婆塞優婆夷諸修行得道

者

此現彼佛非漸而漸爲鈍根人說三藏法。四衆依之得出世四果辟支佛道。與此土釋迦佛說三藏教意同。

巴五見菩薩行行瑞

復見諸菩薩摩訶薩種種因緣種種信解種種相貌行菩薩道。

此現彼佛非漸而漸爲大乘人說方等般若諸大乘經。與此土釋迦佛說二酥教意同。昔種四教善

根爲因。今稟四教法門爲緣。四教各有信解。以爲一能感修行四教。復各四門。故云種種相貌。

巴六見諸佛涅槃瑞

復見諸佛般涅槃者。復見諸佛般涅槃後以佛舍利起七寶塔。

此現彼佛施化事畢。收無量法還歸一法。示滅息化。乃至起塔而作佛事。是則始從出世終于像法。一代所作權實利益光照彼土炳然在目。以彼例此前五既同後一豈別。當知釋迦從初成道于一

無相法出無量法。非頓而頓。非漸而漸。其事已竟。
 今日必當收無量法。還入一法。開權顯實。唱言入
 滅。與彼土同也。問。光中何以不現彼土說法華經。
 答。若使彰灼顯現。則不成序。亦不能使衆會疑念。
 彌勒發問文殊付答。則迹本二說。無由發起。何以
 莩臻現在滅後無邊利益。故有謂法華正旨。唯在
 一光東照者。乃擔板之見。不知說默皆具四悉故
 也。入定四悉單被上上根人。說法四悉三根普被
 入定四悉。唯局現在說法流通四悉普及未來。聞

證固知。故多異見問。光中所照。一時橫見。何得云
 先頓後漸。乃至會歸答。遠近既可俱。令見聞過未
 何難。皆令視聽。故使十方始末。皎若目前。安得以
 爾凡情測量聖境。問。光中所見。可無純頓。唯漸等
 耶。答。時衆但因光得見大術。乃在於世尊。然令見
 者。本爲證同。所放光明。爲成一實。故事殊理絕者。
 非光所盡。問。般此云入涅槃。此云滅度。藏通灰斷。
 故般涅槃。旣顯圓常。何得入滅。答。佛出同居。事必
 示滅。若知非生示生。卽知生卽非生。若知非滅示

滅。卽知滅。卽非滅。讀壽量品。此疑自釋。舍利或云。

室利羅。此翻靈骨塔。其云塔婆。或云窣堵波。此翻方墳。或翻圓塚。亦翻高顯。一現瑞序竟。

⑦三疑念序二。初彌勒疑念。二大衆疑念。⑧今

初

爾時彌勒菩薩作是念。今者世尊現神變相。以何因緣而有此瑞。今佛世尊入於三昧。是不可思議現希有事。當以問誰。誰能答者。復作此念。是文殊師利法王之子。已曾親近供養。過去無量諸佛必應見此希

有之相。我今當問。

彌勒有三念。初今者下是正念六瑞。二今佛下是念問誰。三復作下是念文殊。文殊念起第二念除。唯初念在。但成一疑也。神變者。神名天心。卽是天然內慧。變名變動。卽是六瑞外彰。首楞嚴三昧經云。佛住不二法能作神通。法王法力。超蓋一切。彌勒不測外變。亦不知內慧。故興疑念。夫庸人不知術者。散人不知定者。凡夫不知聖者。小聖不知身。子。身子。不知菩薩。菩薩不知補處。補處不知尊極。

此是尊極境界所以彌勒不知然彌勒植善既多何容不髣髴知應須隱明示闇權言不知耳問一切菩薩皆法王子何以獨推文殊答有二義故一於法王子中德推文殊二諸經中文殊並爲菩薩上首

⑤二大衆疑念一

爾時比丘比丘尼優婆塞優婆夷及諸天龍鬼神等咸作此念是佛光明神通之相今當問誰

大衆有兩念一正念六瑞二念問誰若將下偈望

此亦得有三念偈云四衆欣仰瞻仁及我無第三念何事瞻仁而此中無者欲推補處居先也問文殊彌勒德位相亞何故一問一答答夫機有在無位雖齊等實主異宜聖人承機非問者不能答也因又法門有權實權補處須問實者須答約教又迹有久近近問久答本迹又名有便易彌勒名慈慈爲衆生應須問文殊名妙德德應須答觀解三疑念序竟

①四發問序一初長文二偈頌

戊初中二初經

家述。二正發問

(巳)今初

爾時彌勒菩薩欲自決疑。又觀四衆比丘比丘尼優婆塞優婆夷及諸天龍鬼神等衆會之心。

雙述自疑他疑如文

(巳)二正發問

而問文殊師利言。以何因緣而有此瑞神通之相。放大光明照于東方萬八千土。悉見彼佛國界莊嚴。

雙問此土他土。如文

(戊)二偈頌。二初頌上問。一頌請答。何意有偈頌耶。

龍樹毗婆沙云。一隨國土天竺有散擎貫擎之說。如此間序後銘也。二隨樂欲不同。有樂散說或樂章句。二是世界三隨生解不同。或於散說得解。或於章句得解。爲人四隨利鈍。利者一聞即悟鈍者再說方悟。第一義又表佛殷勤重說。五亦爲人又爲衆集前後故有偈也。對治能除後來疑故論文引六使後人于經生信亦是爲人七易奪言辭轉勢說法亦是對治八示義無盡九明至人有無方之說此二同第一義十卽今所引第六文

此土六瑞。二問他土六瑞

(庚)今初

於是彌勒菩薩欲重宣此義。以偈問曰。文殊師利。導師何故。眉間白毫大光普照。雨曼陀羅曼殊沙華。旃檀香風。悅可衆心。以是因緣地皆嚴淨。而此世界。六種震動。時四部衆咸皆歡喜。身意快然得未曾有。

長文總問此土六瑞。偈中長有香風地淨。而無說法入定。觀文謂言盈縮尋義不然。說法是慧性。入定是天心。由慧性天心能放光動地。舉末卽知本。故縮非縮。又祇尊師兩字。卽是問說法入定。良以說法入定能導于人也。天華至妙。豈有色而無香。

故有華則有香風。華旣集地。地則嚴淨。表因若趣果。果則嚴淨。如金光明云。聚集功德莊嚴法身。故以香風地淨顯成四華盈非盈也。

(庚)二問他土六瑞爲六。初問六趣衆生。二問見彼佛及聞說法。三問他土四衆。四結前開後。五問他土修菩薩行。六問他土供養舍利。卽是問佛眉間光明照于東方萬八千土。皆如金色。從阿鼻獄上至有頂諸世界中。六道衆生生死所趣。善惡業緣。

無涅槃

(辛)今初

受報好醜於此悉見

六道衆生是能趣之假名。生死是所趣之五陰。善惡業緣是趣因。好醜是趣果也。有頂謂三有之頂指非想非非想天。長文云阿迦尼吒。但指色究竟天。今云爾者。若承光遠見。則無色界既無形色。故不可見。若生死業緣受報差別。皆悉見之。則理應徧照無色界也。

(辛)二問見彼佛及聞說法

又覩諸佛聖主師子演說經典微妙第一。其聲清淨。

出柔軟音。教諸菩薩無數億萬。梵音深妙。令人樂聞。各於世界講說正法。種種因緣。以無量喻。照明佛法。開悟衆生。

別地圓住。名之爲聖。佛復最尊。故名聖王。說大乘法。決定無畏。故名師子。頓教純大。故云第一。詮中會道理。故聲清淨。順實相法。故音柔軟。無二乘衆故。菩薩教諸菩薩。所詮次第三諦爲深。圓融三諦爲妙。稱理當機。故云令人樂聞。徧在七處九會。故云各於世界。兩教八門。故云種種。不涉三乘。故名佛法。

聞者卽入佛慧故名開悟。正與此土華嚴教同。

(辛)三問他土四衆人。

若人遭苦厭老病死爲說涅槃盡諸苦際。若人有福曾供養佛。志求勝法爲說緣覺。若有佛子修種種行。求無上慧爲說淨道。

若人遭苦者開聲聞乘也。遭苦而更造惡業則苦不得盡。底下衆生是也。遭苦而造善業厭下攀上。則苦亦不盡爲生人天而持戒修定者是也。遭苦而於外道法中求解脫者苦亦不盡。不知三寶四

諦及四念處。但能增見長非更集苦本故也。遭苦而能偏厭三界生老病死兼能厭集乃能感佛爲說涅槃從此修出世道永盡苦際。所謂知苦故斷集慕滅故修道也。若人有福者開辟支佛乘也。支佛百劫種福故云有福。四諦總相略觀爲劣。十二因緣別相細觀爲勝。又四諦以苦爲初門故劣。因緣以集諦爲初門故勝。觀十二因緣而得覺悟故名緣覺也。若有佛子者開事六度菩薩乘也。有大慈悲堪紹佛種故名佛子。六度事廣名種種行志。

法華會二

二四

求作佛。名無上慧。六度中無六蔽。故名淨道。此以

道諦爲初門也。正與此土三藏教中三乘意同。

(辛)四結前開後

卷十二

文殊師利。我住於此。見聞若斯。及千億事。如是衆多。

今當略說。

見聞若斯。是結前。今當略說。是開後。

(辛)五問他土修菩薩行。正與此土方等般若諸大乘教意同。文分爲三。初總問。二次第問。三雜問。龍次第擬同此土漸教。雜問擬同此土不定教也。

文殊。問(王)今初告王。昔我無土。豈以舍樂。我見彼土。恒沙菩薩種種因緣。而求佛道。

恒沙真云恒河沙。亦云殞伽沙。阿耨達池東銀牛口。出殞伽河。南金象口。出信度河。西瑠璃馬口。出縛芻河。北頗胝迦師子口。出徒多河。殞伽沙細。而

文多。佛說法處近此河。故以爲喻。

碑(王)二次第問爲六。初問施。二問戒。三問忍。四問進。

三問禪。六問慧。發今初。釋寶車。解詳書。

或有行施。金銀珊瑚。真珠摩尼。碑礎碼硝。金剛諸珍。

奴婢車乘寶飾輦輿歡喜布施廻向佛道願得是乘三界第一諸佛所歎或有菩薩駒馬寶車欄楯華蓋軒飾布施復見菩薩身肉手足及妻子施求無上道又見菩薩頭目身體欣樂施與求佛智慧

初四偈是問捨財第五偈是問捨身身肉手足是內身妻子是外身第六偈是問捨命捨頭目卽捨命也不言法施者讓後般若故

(卷二)二問戒

文殊師利我見諸王往詣佛所問無上道便捨樂土

宮殿臣妾剃除鬚髮而被法服

約出家論持戒者菩薩律儀通于七衆比丘篇聚

局在大僧只此篇聚於諸戒中最尊最貴以是七

衆上首故也然以自度心持之則便爲聲聞戒以

求無上道心持之則便爲菩薩戒波羅密就無上

道復有四別謂依生滅無生無量無作四種四諦

所發四弘誓願也生滅四弘屬前事度此中應指

後三四弘又出家約諸王者以貴例賤以勝概劣

非謂戒度局在人王又如法藏比丘捨王位而攝

取淨土乃名菩薩戒波羅密故也

(參)三問忍

或見菩薩而作比丘。獨處閑靜樂誦經典。

開林邃谷惡人惡獸耐忍無瞋。卽生忍。自節守志。卽苦行忍。誦經求佛。卽第一義忍。四教通得論三忍也。

(參)四問進

又見菩薩勇猛精進。入於深山思惟佛道。又見菩薩此如太子雪山苦行之類。所思佛道亦得通于四

教

(參)五問禪

又見離欲常處空閑。深修禪定。得五神通。又見菩薩安禪合掌。以千萬偈讚諸法王。

初一偈問修世間淨禪及觀練熏修等禪。第二偈問修出世上上禪。所謂首楞嚴三昧。不起滅定。現諸威儀者也。初中言離欲者。離下界煩惱。得根本初禪。此禪則淺。展轉離有頂欲。得滅盡定。乃名爲深。正是藏教意耳。不惟離三界欲。亦離涅槃法愛。

不惟離二乘欲。亦離出假法愛。不惟離二邊欲。亦離中道順道法愛。如此名渢猶是別意。若一離一切離圓伏圓修乃名爲渢。則是圓教意也。別地分得六通無漏讓佛故。僅名五首楞三昧。正在圓家別地證同亦應得之。

卷六 問慧干萬師貴詩王

復見菩薩智渢志固能問諸佛聞悉受持。又見佛子定慧具足以無量喻爲衆講說。欣樂說法化諸菩薩破魔兵衆而擊法鼓。

初一偈是問自行。次二偈是問化他也。慧窮理本名爲智渢。誓願廣堅名爲志固。此卽具二莊嚴故能問能持也。定慧具足者。若云未到慧多無色定多四禪則等。又肯捨慧多九定定多十一則等。因緣釋也。又二乘定多菩薩慧多。惟佛則等。約教文釋也。又空觀定多假觀慧多中觀則等。觀心釋也。無量喻謂諸教中種種譬類。助顯第一義也。破魔兵者。藏通破界內四魔。別教次第破界內界外八魔。圓教圓破八魔。一切魔擊法鼓者。旣破魔已轉。

於四教四種法輪。二次第問竟。

(王)三雜問爲七。初問禪。二問進。三問戒。四問忍。五
無更問禪。六問施。七問慧。註今初

又見菩薩寂然宴默。天龍恭敬。不以爲喜。又見菩薩
處林放光濟地獄苦。令入佛道。初一偈問入捨禪。即是自行。次一偈問入悲禪。即
是化他。捨禪者第四禪也。亦可別圓忘懷之捨。忘
彼禪故。名之爲捨。悲禪者。婆沙云。初禪修悲易。二
禪修喜易。三禪修慈易。四禪修捨易。此中悲禪既

云化他。豈獨初禪。故婆沙中尚有通論別論。况大
教耶。故一一禪皆應云。慈乃至喜捨放光濟苦者。
如思益經。綱明菩薩放光徧照十方阿僧祇國。一
切煩惱。一切疾病。遇光安樂。乃至佛自放六度光
觸者蒙益。夫煩惱疾病。並云一切應具四教。如佛
告思益梵天。能教衆生一切智心。是名布施。不捨
菩提心。名持戒。不見心相生滅。名忍。求心不可得
名進。除身心粗。名禪。離諸戲論。名慧。豈非三藏六
度相耶。又云。我說布施名爲涅槃。愚謂大富。入諸

法實相故。持戒是涅槃不起故。忍是涅槃念
念滅故。進是涅槃無所取故。禪是涅槃不貪著故。
慧是涅槃不得相故。又云。布施平等。卽薩婆若乃至般若。
至般若。卽薩婆若。又云。布施不施不慳乃至般若。
不智不愚。豈非並是通教六度相耶。又云。能達一切法無所捨名檀。達一切法無所漏失名尸。達一切法無所傷損名忍。達一切法平等名禪。達一切法無有起相名慧。豈非別圓六度相耶。又如地持六度各九。此並蒙光得益之相。以佛道名通于四

教。悲禪亦不局在初禪。故別初地圓初住。及通七
地。俱皆得入。四相既分。五時可辨。

(癸)二問進

又見佛子。未嘗睡眠。經行林中。勤求佛道。

此如般舟念佛等法門也。般舟此云佛立。九十日
中常行。不坐不卧。除睡爲最。部在方等。亦通四教。
今云勤求佛道。揀兩二乘。

(癸)

三問戒。大歸不對。戒重果無對。且說。

又見具戒威儀無缺。淨如寶珠。以求佛道。

威儀無缺。卽初不缺戒。淨如寶珠。卽第十具足戒。
 十戒名出大論。初不缺戒。謂重罪無犯。若犯重罪。
 如浮囊缺失故。二不破戒。謂中罪無犯。若犯中罪。
 如浮囊殘破故。三不穿戒。謂小罪無犯。若犯小罪。
 如浮囊穿穴故。此三屬律儀攝。四不雜戒。謂不起惡覺。
 若起惡覺。則身口雖淨意雜煩惱故。此一是定共戒。五隨道戒。如初果耕地蟲離四寸等。六無著戒。如羅漢於三界六塵永無貪著等。此二是道共戒。亦是真諦戒也。七智所讚戒。謂善能出假涉。

俗利生故爲智人所讚。八自在戒。謂遊戲神通逆順示現。而於性遮無所違犯。故恒自在。此三是俗諦戒也。九隨定戒。謂不起滅定。現諸威儀。十具足戒。謂戒波羅密。畢竟圓滿。無法不備。此二是中道第一義諦戒也。以前四戒爲所觀境。後六觀之事理相卽。兩教二乘。但有前六。出假菩薩容有七八。別教次第修十。圓教一心修十。今云以求佛道。亦揀兩種二乘。

(參)四問忍

60 1 2 3 4 5 6 7 8 9 10 1 2 3 4 5 6 7 8 9 10

又見佛子住忍辱力。增上慢人惡罵捶打。皆悉能忍。以求佛道。

統論生法二忍四教不同。若於恭敬供養中能忍。不著則不生憍逸。若於嗔罵打害及蚊蚋等能忍。則不生瞋惱。是爲生忍。若於寒熱風雨飢渴老病等外法能忍不動。若於貪瞋憂慢邪見等內法能忍不起。是爲法忍。三藏意也。合前二忍爲生忍。第一義爲法忍。通意也。又觀生法二境卽空爲第一義通也。觀二境先空次假後中別也。觀二境卽空。

假中圓也。今獨舉惡罵捶打爲所忍境。舉難況易耳。

卷五更問禪

又見菩薩離諸戲笑。及癡眷屬。親近智者。一心除亂攝念山林。億千萬歲以求佛道。

離戲笑是郤掉悔蓋。離癡眷屬是除瞋蓋。近智者是除疑蓋。一心除亂是郤貪蓋。攝念山林是除睡蓋。初六句明所離。後二句明離意。以世間及四教修禪。皆離五蓋。今意在佛道。不同凡夫外道。及以

二乘約觀明五蓋具如止觀第四卷尋之

(癸)六問施

或見菩薩肴膳飲食百種湯藥施佛及僧名衣上服價直千萬或無價衣施佛及僧千萬億種旃檀寶舍衆妙卧具施佛及僧清淨園林華果茂盛流泉浴池施佛及僧如是等施種種微妙歡喜無厭求無上道初四偈明施四事供養後一偈明施供意初一偈是飲食醫藥二事第二偈是衣服第三第四兩偈皆卧具攝無上道仍通四教

(癸)七問慧

或有菩薩說寂滅法種種教詔無數衆生或見菩薩觀諸法性無有二相猶如虛空又見佛子心無所著以此妙慧求無上道

初一偈不可說而說般若次一偈不可觀而觀般若後一偈言語道斷心行處滅即是說不可說觀不可觀而論般若也般若亦通諸教思之五問他

土修菩薩行竟

(辛)六問他土供養舍利卽是問佛涅槃

文殊師利。又有菩薩。佛滅度後。供養舍利。又見佛子。造諸塔廟。無數恒沙。嚴飾國界。寶塔高妙。五千由旬。縱廣正等。二千由旬。一一塔廟。各千幢旛。珠交露幔。寶鈴和鳴。諸天龍神。人及非人。香華伎樂。常以供養。文殊師利。諸佛子等。爲供舍利。嚴飾塔廟。國界自然殊特妙好。如天樹王。其華開敷。

初一偈。總標佛滅供養舍利。第二偈明塔數。第三偈明塔量。第四偈明塔莊嚴。第五偈明供養。第六第七兩偈。結歎嚴飾也。天樹王。卽波利質多樹。初

頌上問竟

○二頌請答二。初舉疑述請。二釋四伏難。庚今

初

佛放一光。我及衆會見此國界。種種殊妙。諸佛神力。智慧希有。放一淨光。照無量國。我等見此。得未曾有。佛子文殊。願決衆疑。

初一偈。舉見此土事。白毫表中道爲諸法本。故先舉之。種種殊妙。卽六瑞也。第二偈。舉見他土事。他土六瑞。皆由光見。光復由於神力智慧也。第三偈。

正請答釋此者。指兩土六瑞得未曾有者與華嚴乃至般若咸皆有異。

(庚)二釋四伏難

四衆欣仰瞻仁及我。世尊何故放斯光明。佛子時答決疑令喜。何所饒益演斯光明。佛坐道場所得妙法。爲欲說此爲當授記。示諸佛土。衆寶嚴淨及見諸佛此非小緣。文殊當知。四衆龍神瞻察仁者爲說何等初四偈。正釋伏難。後一偈結請也。言伏難者。文殊內心構難。不肯時答其意有三。一此瑞希奇。不可

倉卒輕判。二智衆如海。謙光推高。三斬固前郤。生衆渴仰。故以伏難潛而拒之。彌勒彰灼釋難意亦有三。一瑞大故疑大。若不爲釋。憂疑在懷。妨聞正說。二衆海雖多機在仁者。三闡衆瞻仁。故知注誠殷重。所以彰言釋難。請令時答也。初伏難者。因正請生。請云佛子文殊願決。衆疑文殊從此起初伏難。汝云衆疑衆未曾疑。若疑應問。衆旣不疑。我何所決。彌勒卽以第一偈釋云。四衆欣仰瞻仁及我。瞻我欲令我問。瞻仁欲得仁答也。文殊因此起第

二伏難。衆同有疑。不易可答。待佛出定。自當決疑。
 彌勒卽以第二偈釋云。若有疑在懷憂惱不泰。未
 知如來何時起定。故須時答令喜。言時答者。催促
 令其卽答也。文殊因此起第三伏難。我與仁者同
 居學地。欲測佛意。幸共籌量。獨令我答於理不可。
 彌勒卽以第三偈釋云。我亦踟蹰思忖。爲說道場
 所得妙法。爲當授記耶。文殊因此起第四伏難。若
 如汝說。卽是釋疑。何煩我決。彌勒乃以第四偈釋
 云。此非小緣。安得以我猶豫之心。而判大事。文殊

至此。伏難旣窮。謙光亦止。故後二偈結請答也。四
 發問序竟。

①五答問序二。初長文。二偈頌。②初中四。初惟
 忖答。二略舉會見以答。三廣舉會見以答。四分
 明判答。③今初。

爾時文殊師利。語彌勒菩薩摩訶薩及諸大士。善男
 子等。如我惟忖。今佛世尊欲說大法。雨大法雨。吹大
 法螺擊大法鼓。演大法義。

善男子者。聞七方便爲善。堪聞獨妙爲男。猶云善

丈夫也。丈夫之稱亦通四教。今須在圓。惟者思惟。付者付量。惟今如昔。付昔如今。然文殊古佛。豈應不知。迹示思惟耳。欲說大法者。答說法瑞。惟昔諸佛說無量義之後。開權顯實。收無量歸一。付于今佛。既說無量義已。亦應開顯會無量以歸一。一者卽大法也。雨大法雨。答雨華瑞。惟昔諸佛天雨四華之後。普入圓因。住行向地。付於今佛雨華之後。亦必皆成佛因。住行向地也。吹大法螺者。吹螺改號答大衆心喜瑞。惟昔四衆見瑞歡喜得未曾有。

障除機動。卽改人教行理皆一。付今衆喜。亦應障除機動。改前人教行理所改甚深也。擊大法鼓。答地動瑞。惟昔地動已後。卽有六番破無明賊。付於今佛地動已後。亦應六番破無明惑。聲教極妙也。演大法義。答放光瑞。惟昔諸佛放白毫光後。說法華。彼此道同。付于今佛放光已後。亦應說法華經。廣明五佛道同也。如是五句。悉是惟昔判今。付今類昔。附文會義。唯少入定一瑞。而雨華動地放光等。皆由入定故爾。意則兼具無勞疑也。闕此一條。

故稱略答耳。此惟付答是答此土六瑞。

(巳)二略舉會見以答

諸善男子。我於過去諸佛會見此瑞放斯光已。卽說大法。是故當知今佛現光亦復如是。欲令衆生成得聞知一切世間難信之法。故現斯瑞。

此略舉會見。但明放光一事。卽是答他土六瑞。以他土六瑞皆是放光所照故也。聞指信行知指法行。一切世間難信之法者。所謂收無量歸。令開示悟入。改人教行理。六番破無明。顯諸佛道同等。

非九法界機所能信也。

(丁)三廣舉會見以答。卽雙答此土他土問也。彌勒

因光橫見東方以爲問。文殊引昔豎見多佛以爲答。正顯十方三世諸佛道同。文爲三。初引一

佛同。次引二萬佛同。三引最後佛同。(庚)初中

三。初時節。二標名。三說法。

(辛)今初

諸善男子。如過去無量無邊不可思議阿僧祇劫。

(壬)二標名

爾時有佛號日月燈明如來。應供。正徧知。明行足。善

逝世間解無上士調御丈夫天人師佛世尊

爾時者過去不可思議劫前時也夫時無實法依於色心分位假立隨俗分別不壞假名世界悉也聞無量劫則知生死事長生厭離心爲人悉也劫前有劫不生斷見劫復一劫不生常見對治悉也觀彼久遠猶若今日十世古今不離當念第一義也佛出彼時亦說三乘則與今佛出五濁同若云三大阿僧祇劫積行成佛卽三藏相若云了知時劫性空一念相應慧朗然大覺卽通佛相若云不

可思議阿僧祇劫盡行法界無邊諸行斷彼微細極微細二品愚已爾乃成佛應身徧坐百億樹下卽別佛相若云無量無數劫解之卽一念了知一念之性卽是亘古亘今之性智入三世而無往來於刹那際三昧徧能示現刹海古今成菩提事爲衆生故非生示生卽圓佛相本迹者如今釋迦久成爲本王宮爲迹驗知彼佛亦復應爾觀心者觀此一念五陰皆是因緣所生卽空卽假卽中是名有佛出現于世從名字有佛乃至究竟有佛也日

月燈明是別號。如來等是通號。一切諸佛皆有通別二號。皆是隨世假立。卽世界悉聞名生善。卽人悉超過一切梵魔沙門婆羅門等。卽對治悉若聞諸佛名者。皆得不退轉于無上菩提。卽第一義悉別號日月燈明者。日表慧月表定。卽自行德。燈明是化他德。又日月燈表一心三智。當知前佛後佛自行同化他同。一心三智同。又佛有無量德。應有無量號。如華嚴明釋迦於此娑婆世界則有百億十千名號。何況應身徧微塵國。名復何窮。然一

一名皆召實德。皆以窮劫說其功德終不可盡。以今例古。日月燈明何獨不然。通號如來等者。梵語多陀阿伽度。亦云怛闌阿竭。此翻如來。梵語阿羅訶。此翻應供。亦翻至真。亦翻無所著。梵語三藐三佛陀。此翻正徧知。亦翻等正覺。梵語鞞侈遮羅那三般那。此翻明行足。梵語修伽陀。此翻善逝。亦翻好去。梵語路伽憲。此翻世間解。梵語阿耨多羅。此翻無上士。梵語富樓沙曇藐婆羅提。此翻調御丈夫。梵語舍多提婆摩訶舍喻。此翻天人教師。梵語

佛陀。此翻知者覺者。梵語路迦那他。此翻世尊。謂具上十號真實功德。故爲一切世間之尊。釋此十號須約四教及以開顯。茲不繁述。本迹觀心。例亦可解。

(辛)三說法。重論略表。卷五。貴賤。諸賢。通鑑。演說正法。初善中善後善。其義深遠。其語巧妙。純一無雜。具足清白梵行之相。爲求聲聞者說。應四諦法度。生老病死。究竟涅槃。爲求辟支佛者說。應十二因緣法。爲諸菩薩說。應六波羅密。令得阿耨多羅三藐。

三菩提成。一切種智。
此明昔佛爲實施權說。頓說漸開。權顯實向。歸非頓非漸。與今光中所見同。亦與釋迦佛說法同也。初云演說正法。指頓教法。初中後三善約頓教序。正流通三段。其義深遠。卽頓教了義。二乘不能測其底邊也。其語巧妙。卽頓教之文會理直說。悅菩薩心也。純一無雜。謂頓教不與二乘共也。具足者頓教。明滿字法門。清白者頓教無二邊瑕穢。梵行者。頓教無緣慈也。已上是明昔佛說頓。與今佛說。

華嚴同。酬上聖主師子演說經法微妙第一之間也。次云爲求聲聞等者。是明昔佛施三。與今佛說三藏乃至方等般若意同。酬上若人遭苦。乃至佛子修種種行之間也。四諦有四種。具如玄義所明。今爲聲聞。且說生滅相應之法。所謂三界果報。實苦不可令樂。煩惱及業。真是苦因。更無異因。因滅則果滅。乃爲究竟安樂滅苦之道。惟戒定慧更無餘道也。因緣亦有四種。如玄義今爲辟支。且說思議生滅相應之相。所謂無明行是能引支。識名色。

六入觸受是所引支。愛取有是能生支。生老死是所生支。所引所生即苦諦能引能生即集諦。無明滅乃至老死滅是滅諦。觀因緣智即道諦。聲聞根鈍故爲總相說四諦法。辟支稍利故爲別相說因緣法也。六波羅密四教相如前略明。若直明三藏六度則屬阿含。若事理對論而多以理奪事。則屬方等。若帶事談理。而多以理融事。則屬般若也。後云令得阿耨等者。是明昔佛開權顯實與今佛法。華意同。若粗觀文勢。則令得等似單承爲諸菩薩。

句來。若細研語脈。則以令得等通結演說正法已下之意。蓋從初說頓。卽令衆生得成一切種智。其未成者。循循善誘。以三藏通別。兼但對帶等種種方便而成熟之。或定不定。或顯或密。事非一概。來至法華。則若聲聞。若辟支。若事度。乃至若華嚴中所兼之別。無不令得無上菩提。成就一切種智也。此卽酬上光中見他土佛涅槃起塔之間。以光中但見他土涅槃佛事。不見他土法華會席。因此致疑。成發起序。今引古事同顯。此法華爲最後了義。

極談過此以往。更無可說。唯有非滅唱滅而已。一代時教究竟。結歸獨在此經。三世十方。無不咸爾。稱之爲妙。豈徒然哉。初引一佛同竟。

(庚)次引二萬佛同

次復有佛亦名日月燈明。次復有佛亦名日月燈明。如是二萬佛皆同一字號。日月燈明。又同一姓。姓頗羅墮彌勒。當知初佛後佛。皆同一字。名日月燈明。十號具足。所可說法。初中後善。

前佛後佛。無不施頓。施漸。會入非頓。非漸。而文殊

巧說不事繁文。故于初佛廣明頓漸已同。不過略點開顯。於今一萬諸佛。但明名同姓同。及十號同。說法善同。至最後佛方乃廣明現同及當同也。日月燈明。既稱爲名。亦稱爲字。亦稱爲號。故知名字號三。祇是假立。本無親疎。不似今人妄生分別。有譯不譯。頗羅墮者。此翻捷疾。亦翻利根。亦翻滿語。婆羅門姓。觀心釋者。十善各具百界千如。爲一萬。自行化他。滿足爲二萬。

(庚)三引最後佛同。又三初曾見事與今已同。二曾

見事與今現同。三會見事與今當同。

(辛)今初

其最後佛未出家時。有八王子。一名有意。二名善意。三名無量意。四名寶意。五名增意。六名除疑意。七名響意。八名法意。是八王子威德自在。各領四天下。是諸王子聞父出家得阿耨多羅三藐三菩提。悉捨王位。亦隨出家。發大乘意。常修梵行。皆爲法師。已於千萬佛所植諸善本。

昔佛八子。今佛一子。數雖不等。並出同居之土。土有見思俱示有子。有子事同。一入赴緣各有所表。

一子表一道清淨。八子表八正道也。又昔佛子發大乘意。今佛子住小乘果。此云何同。昔化道已竟。顯本事彰。故云發大乘意。今未發迹。猶言羅漢。至下文顯本節是菩薩。其意則同。各領四天下。是金輪王。有云輪王必不值佛。此殆不然。

(辛)二曾見事與今現同。二初現瑞同。二疑念同。二初又二。初此土六瑞同。二他土六瑞同。

(癸)其疑今初未出。未來五王。一、普賢。二、文殊。三、普賢。四、觀音。五、彌勒。是時日月燈明佛說大乘經。名無量義。教菩薩法佛。

所護念。說是經已。即於大衆中結跏趺坐。入於無量義處三昧。身心不動。是時天雨曼陀羅華。摩訶曼陀羅華。曼殊沙華。摩訶曼殊沙華。而散佛上。及諸大衆。普佛世界六種震動。爾時會中比丘。比丘尼。優婆塞。優婆夷。天龍夜叉。乾闥婆。阿修羅。迦樓羅。緊那羅。摩睺羅伽。人非人。及諸小王。轉輪聖王等。是諸大衆。未曾有歡喜合掌。一心觀佛。爾時如來放眉間白毫相光。照東方萬八千土靡不周徧。

(癸)二他土六瑞同。

如今所見是諸佛土

但云如今所見文略義周矣。初現瑞同竟

本王二疑念同竟。一少時於雨林中見日月照耀。二彌勒當知爾時會中有二十億菩薩樂欲聽法。是諸菩薩見此光明普照佛土得未曾有。欲知此光所爲因緣。

既云欲知此光所爲因緣理應亦有發問答問二序不俟費辭也。二會見事與今現同竟

三會見事與今當同五初因人說法同二時節

同三唱滅同四授記同五滅後通經同今初

時有菩薩名曰妙光。有八百弟子。是時日月燈明佛從三昧起。因妙光菩薩說大乘經。名妙法蓮華。教菩薩法佛所護念。

昔佛起定因妙光菩薩說經。今佛起定因舍利弗。良說經。舍利弗爲羅睺師。昔妙光爲八王子師。故云同也。又舍利弗旣得授記實是菩薩。昔妙光聞法華時何必不示作聲聞。

(壬)二時節同

六十小劫不起于座。時會聽者亦坐一處。六十小劫身心不動。聽佛所說。謂如食頃。是時衆中無有一人若身若心而生懈倦。

此與下文五十小劫謂如半日同也。佛力所加。故令忘長見短。下當廣釋。

(壬)三唱滅同

日月燈明佛於六十小劫說是經已。卽於梵魔沙門婆羅門天人阿修羅衆中而宣此言。如來於今日中

夜當入無餘涅槃。

昔說法華。卽唱入滅。今佛于寶塔品中亦言如來不久當入涅槃。化道已足。唱滅事齊也。梵是色界主。魔是欲界主。沙門此云勤息。出家之都名。婆羅門此云淨裔。亦云梵志。在家之尊姓。天人阿修羅。略舉三種善道。並皆從勝取其易入佛法耳。

(壬)四授記同

時有菩薩名曰德藏。日月燈明佛卽授其記。告諸比丘。是德藏菩薩。次當作佛。號曰淨身多陀阿伽度阿

羅訶三藐三佛陀

普門品目觀世音菩薩與釋迦牟尼佛

授聲聞記。是此經正宗不應預洩。今云授補處記。則與釋迦授彌勒記同也。問。法華中不曾授彌勒記。豈應引同答。但得彼此一代化齊于義。即足何必拘拘。微細強配。况法華梵文。積至八里。來者無幾。安知梵冊無記。囑補處之文。授記中略舉三號。若三若十。平等平等。

(王)五滅後通經同三。初正明入滅。二明滅後通經

利益。三結會古今。癸今初

佛授記已。便於中夜入無餘涅槃。授記便入涅槃者。雖復出同居土。五濁未甚。故不必更說大涅槃經。如此土迦葉佛亦於說法華畢。卽涅槃也。然無餘涅槃義通大小。略須申明。有人云。小乘以果縛尚在。名爲有餘。身智俱灰。名爲無餘。大乘以五住究竟。乃名無餘。此亦一往釋耳。統論涅槃。則有三種。一性淨涅槃。凡聖平等。卽法身德。二圓淨涅槃。出障圓明。卽般若德。三方便淨涅槃。爲衆生故。非生示生。非滅示滅。卽解脫德。又唯

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

識明有四涅槃。一自性清淨涅槃佛與衆生平等。共
有不關修得。二有餘依涅槃謂真如出煩惱障。餘
依未滅。三乘初證無學道時所得也。三無餘依
涅槃謂煩惱既盡。苦依亦滅。三乘無學身智盡時
所證也。四無住處涅槃謂真如兼復出所知障。大
悲般若常所輔翼。不住生死。不住涅槃。蓋未來際
寂而常照利益衆生也。今以四對三。令義可識。自
性清淨。即是性淨。有餘無餘。出煩惱障。無住。出所
知障。即是圓淨。從體起用。數數唱生唱滅。而實非

生非滅。即方便淨。唯識又云。一切衆生但有初一。
二乘無學。容有前三。唯我世尊可言具四。蓋性淨
法身。舍生共有。故皆有初一。二乘證無學時。是有
餘依。不名無餘。逮入滅時。既名無餘。不各有餘。此
則先後不俱。故云容有前三。如來坐菩提樹成等
正覺。所有身心。非復有漏。苦依永盡。名無餘依。非
苦依在。謂真常五蘊。名有餘依。不住二邊。名無住
處。此則四涅槃義。同時具足。故云可言具四。由是
言之。初成正覺。即已圓入四種涅槃。今言中夜入

寂。是爲同居鉈根。示同二乘滅度耳。乃方便淨之妙用。非滅唱滅滅何嘗滅也哉。云良言具四由長
發二明滅後通經利益。不對二舉。無五
 佛滅度後。妙光菩薩持妙法蓮華經。滿八十小劫爲人演說。日月燈明佛八子皆師妙光。妙光教化令其堅固阿耨多羅三藐三菩提。是諸王子供養無量百千萬億佛已。皆成佛道。其最後成佛者名曰然燈。八百弟子中有一人。號曰求名。貪著利養。雖復讀誦衆經。而不通利多所忘失。故號求名。是人亦以種諸善。

根因緣故得值無量百千萬億諸佛。供養恭敬尊重讚歎。

減後明通經之時。妙光明通經之人。八十多劫明通經久近。八子及求名等明通經利益。堅固者久已先成。求名者次補佛處。雙顯佛道因緣。全賴師友。亦全由修證。俱不誣矣。

發三結會古今。相應機。蓋八百幾宜觀。本問文來

彌勒當知。爾時妙光菩薩豈異人乎。我身是也。求名菩薩汝身是也。

若明通經利益引八子八百乃至結會古今者。近則
釋疑密開壽量也。或疑彌勒補處不應問。文殊非
補處不應答。今明彌勒在八百數宜應有問。文殊非
先復爲師弘通妙法故釋疑非謬。又八子最小成
然燈佛。然燈乃授釋迦佛記。今文殊本以師祖復
爲釋迦弟子。師弟無定將密顯生非生滅非滅也。
問彌勒昔見諸佛。曾聞法華。何故疑問。答時衆機
宜應須扣發耳。三廣舉會見以答竟。

(巳)四分明判答量

今見此瑞與本無異。是故惟付今日如來當說大乘
經。名妙法蓮華。教菩薩法佛所護念。

今昔六瑞既同。惟付決定不謬。當說大乘。決定前
說法瑞也。名妙法蓮華。決定前兩華瑞也。教菩薩
法。決定前衆喜瑞也。佛所護念。決定前地動瑞也。
爲答之法先微後著。故今明判顯向非疑。豈文殊
大聖先思後當耶。答問序中初長文竟

歸附言

(戊)二偈頌。初頌廣舉會見以答。二頌分明判答
(己)初中二。初頌一佛同。二頌最後佛同。不頌惟

付及畧舉但頌廣舉就廣舉中但頌初後而略中間足可顯義不俟繁文也

(庚)今初

爾時文殊師利於大衆中欲重宣此義而說偈言我念過去世無量無數劫有佛人中尊號日月燈明世尊演說法度無量衆生無數億菩薩令入佛智慧此頌上時節名號及說法等

(庚)二頌最後佛同爲三初頌曾見事與今已同二頌曾見事與今現同三頌曾見事與今當同

(辛)今初本無異長劫卦日今日吸來當歸大乘

佛未出家時所生八王子見大聖出家亦隨修梵行

(辛)二頌曾見事與今現同又二初頌現瑞同二頌他

此疑念同

(壬)

初又二初頌此土六瑞同二頌他

音退土六瑞同

(癸)今初

釋迦文佛說退土六瑞

時佛說大乘經名無量義於諸大衆中而爲廣分別佛說此經已卽於法座上加趺坐三昧名無量義處天雨曼陀華天鼓自然鳴諸天龍鬼神供養人中尊

一切諸佛土卽時大震動佛放眉間光現諸希有事

頌中長出天鼓自鳴表方便品初無問自說也現

諸希有事。卽總頌諸瑞也。

一癸二頌他土六瑞同。長文但略云如今所見是諸天雨佛土。今頌則廣。然文雖錯縱變化。總不出六瑞體意也。
 此光照東方萬八千佛土。示一切衆生生死業報處。有見諸佛土以衆寶莊嚴。瑠璃玻璃色斯由佛光照此頌見彼土六趣瑞而兼顯諸土淨穢不同。及見諸天人龍神夜叉衆。乾闥緊那羅各供養其佛。此頌意顯六趣中有佛界機也。

又見諸如來自然成佛道。身色如金山端嚴甚微妙。如淨瑠璃中內現真金像。世尊在大衆敷演深法義。此頌見彼佛及聞說法瑞也。自然成佛道者方便道則加心修習。發真道卽任運自然與理合也。藏佛一坐任運三十四心。通佛一念相應不加功力。別圓妙覺本得自然。自然成佛道是報身。瑠璃是法身本淨。金像是應物現形。深法義卽頓教大乘。一一諸佛土聲聞衆無數。因佛光所照悉見彼大衆。或有諸比丘在於山林中。精進持淨戒猶如護明珠。

此頌見彼土四衆得道瑞也。舉聲聞以該藏教三乘。舉比丘以該四衆。或以第二偈屬下六度亦可。又見諸菩薩行施忍辱等。其數如恒沙。斯由佛光照。又見諸菩薩深入諸禪定。身心寂不動。以求無上道。又見諸菩薩知法寂滅相。各於其國土說法求佛道。此頌見彼土菩薩行行瑞也。六度既遍四教。以擬一方等般若。悉與東方及此土同。初頌現瑞同竟。

(王)二頌疑念同

爾時四部衆見日月燈佛。現大神通力。其心皆歡喜。

各各自相問。是事何因緣。

二頌曾見事與今現同竟

(王)三頌曾見事與今當同五初頌因人說法。二頌時節。三頌唱滅。四頌授記。五頌滅後通經。

今初

天人所奉尊適從三昧起。讚妙光菩薩。汝爲世間眼。一切所歸信能奉持法藏。如我所說法。唯汝能證知。世尊旣讚歎。令妙光歡喜。說是法華經。

(王)二頌時節

滿六十小劫。不起於此座。所說上妙法。是妙光法師悉皆能受持。

下文譬說周竟便告舍利弗云。無智人中莫說此經等。當知妙光悉皆受持。正與今時舍利弗受佛付囑同也。

⑤三頌唱滅

佛說是法華。令衆歡喜已。尋卽於是日。告於天人衆。諸法實相義已爲汝等說。我今於中夜。當入於涅槃。汝一心精進。當離於放逸。諸佛甚難值。億劫時一遇。

文中有唱滅有囑累。囑累如遺教也。

⑥四頌授記

世尊諸子等聞佛入涅槃。各各懷悲惱。佛滅一何速。聖主法中王。安慰無量衆。我若滅度後。汝等勿憂怖。是德藏菩薩。於無漏實相心已得通達。其次當作佛。號曰爲淨身。亦度無量衆。

文中有悲泣有慰喻。因悲泣故慰喻。因慰喻故授補處佛記。例如今佛將未度衆生付彌勒也。

⑦五頌滅後通經又三。初頌示滅供養精進。二頌

60 1 2 3 4 5 6 7 8 9 10 1 2 3 4 5 6 7 8 9

滅後通經利益。三頌結會古今。卷今初。

佛此夜滅度。如薪盡火滅。分布諸舍利。而起無量塔。
比丘比丘尼。其數如恒沙。倍復加精進。以求無上道。
長文但云涅槃頌中。兼明起塔及四衆精進求道。
所謂應以涅槃而得度者。卽現涅槃而度脫之也。
薪盡火滅者。小乘以果報身爲薪。智慧爲火。慧依
報身。身滅智亡。則一滅永滅。大乘以機爲薪。逗應
爲火。衆生機盡應形斯滅。應徧法界不知其盡也。

卷二頌滅後通經利益

是妙光菩薩奉持佛法藏。八十小劫中。廣宣法華經。
是諸八王子。妙光所開化。堅固無上道。當見無數佛。
供養諸佛已。隨順行大道。相繼得成佛轉次而授記。
最後天中天。號曰然燈佛。諸仙之導師。度脫無量衆。
是妙光法師時。有一弟子。心常懷懈怠。貪著於名利。
求名利。無厭多。遊族姓家。棄捨所習誦。廢忘不通利。
以是因緣故。號之爲求名。亦行衆善業。得見無數佛。
供養於諸佛。隨順行大道。具六波羅密。今見釋師子。
其後當作佛。號名曰彌勒。廣度諸衆。生其數無有量。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

(癸)三頌結會古今

彼佛滅度後懈怠者汝是妙光法師者今則我身是初頌廣舉會見以答竟

(巳)二頌分明判答三。初頌說法華經。一頌教菩薩法。三頌佛所護念。

(庚)今初

我見燈明佛本光瑞如此。以是知今佛欲說法華經

(庚)二頌教菩薩法

今相如本瑞是諸佛方便。今佛放光明助發實相義。諸人今當知。合掌一心待佛。當雨法雨。充足求道者

(庚)三頌佛所護念

諸求三乘人。若有疑惑者。佛當爲除斷。令盡無有餘前文彌勒釋四伏難。令文殊必答。此分明判答中。文殊斷四伏疑。令彌勒莫更問也。初第一疑。因文殊廣引先佛曾說法華故。彌勒潛疑欲問。諸佛赴緣人時各異。古佛雖名法華。今佛何必如此。文殊即以第一偈斷云。我見燈明佛本光瑞如此。以是知今佛欲說法華經。此斷其疑名也。彌勒因此又疑自有名同義同。亦有名同義異。此名何所顯召。

文殊卽以第二偈斷云。今相如本瑞是諸佛方便。今佛放光明。助發實相義。此斷其疑體也。彌勒又疑實相無相。何人會之。文殊卽以第三偈斷云。諸人今當知。合掌一心待。佛當雨法雨。充足求道者。此斷其疑宗也。彌勒因此又疑佛雨法雨。止洽菩薩亦潤二乘否耶。文殊卽以第四偈斷云。諸求三乘人。若有疑悔者。佛當爲除斷。令盡無有餘。此斷其疑用也。彌勒聯翩構疑。文殊頻煩爲斷。旣事窮理盡。卽得之於懷。可謂善於問答。具二莊嚴矣。躬

謂名等三。理盡。迹門開。權顯實中。初序段竟。
妙法蓮華經台宗會義卷一之二



弟子李應龍發心助刻。惟願徹悟自心智慧。
開朗闡宅長幼共證菩提。

聞檀闍室是妙覺菩薩。即曰。
 二人弟子奔趣蕭然必相傳對蕭然自心皆慧者。
 此斷其疑宗也。彌勒因此又疑。
 薩亦謂二乘否耶。文殊卽以第
 乘人。若有疑惑者。佛當爲除斷。今盡無有餘。此斷。
 故此華嚴宗會集卷云。文殊頗煩爲斷師事窮。
詰。訊。本。體。
詰。答。等。三。聖。盡。故問聞華嚴實事。唯此題竟矣。

60

1

2

3

4

5

6

7

8

9

70

1

2

3

4

5

6

7

8

9

ナ

ナ